

四庫全書

經部

欽定四庫全書

經部

禮經本義卷十二

詳校官監察御史_臣陳化龍

給事中_臣溫常綬覆勘

總校官原任中允_臣王燕緒

校對官中書_臣李荃

謄錄監生_臣王煨

欽定四庫全書

禮經本義卷十二

無錫蔡德晉撰

凶禮

士喪禮上

此言士之喪自始死以至既葬之禮 記曰恤由之喪哀公使孺悲之孔子學士喪禮士喪禮於是乎書

死于適室幰用斂衾

適室正寢之室也。幬覆也。衾被也。斂衾，擬制大斂所用之衾。蓋小斂一衾，大斂二衾。始死，小斂之衾當陳。故不用而用大斂之一衾以覆尸也。死必於適室，取其正也。幬必用斂衾，取其新而潔也。

右始死

附記三章

士處適寢，寢東首於北墉下。

適寢正寢

也。平時卧在燕寢，疾則遷居正寢，欲其終之正也。東首，向生氣也。墉，牆也。必於北墉下者，一陽生於子，乃生氣之始也。凡正寢，天子諸侯謂之路，寢猶路車之路。以大言之也。大夫士謂之適，寢猶適子之適。

有疾疾者，齊養者，皆齊徹琴瑟。

疾者，與養疾者皆齊康成以為正情性是也。陸稼書謂人於疾病之際，必正其情性，然後可生。可死，人子當父母之死，亦必正其情性，然後可。以致親之生，可以送親之終。徹琴瑟者，齊不聽。

樂改微去之也疾病外內皆掃徹褻衣加新衣疾甚曰病掃除

外內之穢惡所以潔其居也徹去褻衣之污垢而加新衣所以潔其體也蓋家庭之間肅清潔

謹而後可以送父母之終矣御者四人皆坐持體男女改服

屬續以俟絕氣御侍也體四體也病者不能自屈伸故每體各用一人扶持之

男女改服謂易去華麗之服而服白布深衣也續新綿也屬之口鼻觀其動否以驗氣之有無

絕矣則男子不絕於婦人之手婦人不絕於男子

之手賈氏公彥曰疾時使御者持體還死於其手若婦人則內御者持體還死於其手

按男不絕女手女不絕男手厚別以謹終也乃行禱於五祀賈氏公彥曰死

期已至必不可求生但盡孝子之情故乃行禱五祀望祐助病者使之不死也乃卒主

人啼兄弟哭卒終也啼者哀之甚而發於聲無有委曲若往而不返氣竭而息之

聲也哭則直設牀第當牖衽下莞上簟設枕遷哭之而已

尸第第簀邊牖窓也卒於北墉下復遷尸於南牖下就向明之地以俟楔齒綴足沐浴飯含也

記曰含一牀襲一牀遷尸於堂又一牀然則設牀第非一處當牖則含之牀也既遷乃於南牖

下於是幰用斂衾曰虎通曰尸之為言失也陳也失氣亡神形體獨陳也按喪大記疾病有

廢牀一節殊為非禮觀曾子易簀反席未安而沒不聞有廢牀而置於地之事此章設牀第蓋

設含之牀凡含襲及遷尸於堂只有三牀不相因以示變也鄭康成謂病卒之間廢牀至是設

之乃仍喪
大記之誤

復者一人以爵弁服簪裳于衣左何之扱領于帶

復始死招魂復魄也復者天子則夏采祭僕之屬諸侯則小臣為之士則有司一人而已凡復用死者祭之上服以其求於神也爵弁服謂緇衣纁裳乃士之祭服也簪連也連裳於衣取其便也左手何之而空右手為登梯備顛躓也

升自前東榮中屋北面招以衣曰臯某復三降衣于前

大夫士夏屋之制南北為雷東西為榮前東榮東方之南榮也屋有二楹故每旁各有南榮北榮中屋屋脊之中也北面以招求諸幽也臯長聲也某死者之名也凡復男子稱名婦人稱字降下之也前南雷之

前也捲衣自前投下蓋
前為陽冀生氣之來也

受用篋升自阼階以衣尸

受受復衣於庭也復者一人則受者亦一人人君則
司服受之士則家有司而已升自阼階象其反也衣
尸者以衣覆其尸冀魂之
合於魄也至浴乃去之

復者降自後西榮

後西榮西方北榮也降
於此者異於升時也

右復

附記
二章

復者朝服左執領右執要招而左

必朝

服者以求神敬其事也初時扱領於帶左手何
之既登屋則左手執領右手執要以招焉領與

要必兼執之者以簪裳於衣故也招而左者左手執領因以左手招之自西北而至東南也

復者降因徹西北扉

扉屋簷也徹而去之若云此室凶不可居也

楔齒用角枳綴足用燕几

楔柱也角枳以角為枳長六寸綴拘也燕安也燕几平日嘗憑之以安體者也尸當飯舍恐口閉急故拄齒用角枳令開也尸當著屨恐足辟戾故拘足用燕几今直也

右楔齒綴足

附記一章

楔貌如輓上兩末

楔即角枳因其楔齒

而名之以別於他枳也輓大車轆端壓牛領者楔狀類之上兩末者蓋其形屈曲以中央入口兩末向上取出綴足用燕几校在南御者坐持入易便故也

之校凡足也凡兩旁各有兩足今尸南首足向
北以几設之令几旁兩足在南向尸以夾
尸之兩足蓋几之制東西長而南北短縱足宜
狹故豎設之也恐几傾側故又使御者坐而持
之愚按楔齒綴足近於桎梏死者之形骸而
櫛齒尤似不必呂氏坤謂櫛齒以含也含之義
不忍親口之虛也然含以飯不能令親生令親
飽而死者欲安乃當氣散魂分之時必楔以因
之一楔之後雖含以物而口不復有合時矣華
貞固先生亦謂古用飯含今俗用珠鄙見皆不
必用但以淨帛蘸水拭掠口齒潔之可也愚意
死者足即辟戾無妨於著屨何事以燕几綴之
然則楔齒綴足飯含之制後
世有修明禮教者革之可也

奠脯醢醴酒升自阼階奠于尸東

教君善曰奠之而已無他禮儀故曰奠死而奠之如
事生也脯醢醢酒奠之四物也此時尸南首東乃其
右也奠於其右若便其飲食然賈公彥曰小斂之奠
一籩一豆大斂兩籩兩豆此始死亦無過一籩一豆
而已而

帷堂

尸猶未飾恐為人惡故
設帷於堂小斂而撤之

右始死奠帷堂

附記一章

即牀而奠當牖用吉器若

醴若酒無巾枹

牖肩也用吉器未忍異於生也小斂奠始用素器若醴若酒謂

無酒則二解皆醴無醴則皆酒也無巾者非盛饌無枹者異於大斂以後之奠也

乃赴于君主人西階東南面命赴者拜送

赴走告也惟言赴於君而不及大夫士者舉其重者以該之也

有賓則拜之

因命赴而僚友羣士有來弔者見則拜之既拜則入若不因命赴則不出也

右命赴拜賓

附記一章

赴於君曰君之臣某死父母

妻長子曰君之臣某之某死

某之某上則士之名下某其父母妻

及長子之名氏赴於大夫士曰某死赴於他國之君曰

君之外臣某死赴於他國之大夫士曰吾子之

外私某死

人臣交不出境而有赴於他國君臣之禮者蓋於其宗族姻戚為禮所當

赴告者也

入坐于牀東衆主人在其後西面婦人俠牀東面親者在室

尸牀暨設於當牖之間尸首向南足向北主人坐於牀東衆主人又在主人之東皆西面以向尸也婦人主婦及衆主婦也俠牀者男子牀東婦人牀西以近而言也主婦坐於牀西衆主婦又在主婦之西皆東向亦以向尸也親者謂斬齊大功之親兼男女言之也親者在室其餘皆在室外矣

衆婦人戶外北面衆兄弟堂下北面

衆婦人衆兄弟小功以下之親也
戶外堂上也北面以尸在室中也

右哭位

附記
二章

室中唯主人主婦坐兄弟有命夫

命婦在焉亦坐

鄭康成曰別尊卑也
記鄭注大夫之喪尊者坐卑者

按喪大

立士賤同宗尊卑皆坐而此所記與大夫喪禮
同疑士有不同爵命之士其禮如大夫喪大記
所言乃不
命之士也 凡哭尸於室者主人二手承衾而

哭

鄭康成曰承衾哭者
哀慕若欲攀援也

君使人弔徹帷主人迎于寢門外見賓不哭先入門右

北面

使人士也禮使人必以其爵寢門內門也喪不迎賓
惟於君及君使則迎之此不出外門者別於君之自
來也先入門右道之也徹帷謂塞帷而上事
畢則下之或曰徹帷蓋漸徹之事畢復設之

弔者入升自西階東面主人進中庭弔者致命主人哭
拜稽顙成踊

弔者東面以禮主人也主人進中庭者大夫之子得
升堂受命而後降拜士之子賤故不敢升堂而進於
西方之中庭以受命也小斂以前主人位在西方不
敢遽當主位故也拜稽顙謝君命也一拜而遂稽顙
不再拜稽首者喪禮宜變於吉也
成踊康成謂三者三蓋九踊也

賓出主人拜送于外門外

教君善曰拜送一拜送之也迎不拜而一拜送之皆喪禮異也凡拜喪賓不再拜

右君使人弔

附記二章

尸在室有君命衆主人不出

教君善曰謂凡居喪而為君命出者惟主人耳衆主人則否特著尸在室之禮者異時衆主人與主人皆在庭嫌此時亦然故以明之

凡主人之出也徒跣扱

衽拊心降自西階

君使人祔徹帷主人如初祔者左執領右執要入升致命主人拜如初祔者入衣尸出主人拜送如初

賈公彥曰主人如初者如上迎於寢門外以下之事也故君善曰禮別更端則弔祔不同時也衣服曰祔

此執衣如復則是衣裳具且簪裳於衣也衣尸亦覆於復衣之上歟

唯君命出升降自西階遂拜賓有大夫則特拜之即位如西階下東面不踊大夫雖不辭入也

唯君命出明大夫以下來弔祔不出也然此惟小斂以前則然耳小斂以後雖不迎賓亦出送賓矣升降自西階自此至奠皆然曲禮云居喪之禮升降不由阼階是也遂拜命者因事曰遂因有君命故拜賓若無君命則不出戶也大夫則特拜別於士之旅拜也即位如西階下未忍在主人位也小斂後就東階下西南面則主人之位也但哭拜而不踊雖不辭而升入明本不為賓出不成禮也

右君使人祔

親者祔不將命以即陳

親者齊衰大功之親也不將命謂不使人將之以致辭於主人蓋大功以上有同財之義故也即陳謂陳

於房中

庶兄弟祔使人以將命於室主人拜於位委衣于戶東牀上

庶兄弟兼衆兄弟外兄弟言也既小斂拜祔者則稽顙此時惟拜而已別於受君之祔也

朋友祔親以進主人拜委衣如初退哭不踊

親以進者示意之誠也退下堂反賓位也主人徒哭不踊別於君祔也故君善曰親者祔不將命庶兄

弟將命不親致朋友則親致之蓋親則禮畧踈則禮隆聖人之意然耳

徹衣者執衣如襚以適房

徹衣者謂凡襚者出則有司徹衣也如襚亦如襚者之左執領右執要也適房當以陳也

右親友襚

附記一章

襚者委衣於牀不坐

教若善曰牀高故可

以不坐

其襚於室戶西北面致命

賈公彥曰尸在室中戶西北

面致命若小斂後奉尸俛於堂則中庭北面致命

為銘各以其物亡則以緇長半幅經末長終幅廣三寸

書銘于末曰某氏某之柩

銘銘旌也所以表柩者雜帛為物大夫所建之旗也
亡亡旗也謂不命之士布幅廣二尺二寸去其兩旁
邊幅各一寸則半幅一尺終幅二尺也經亦也縗者
一尺經者二尺則長三尺也其廣皆三寸銘則書於
之經末
之上

竹杠長三尺置于宇西階上

杠旗竿也禮緯云天子之旗九仞諸侯七仞大夫五
仞士三仞死則以尺易仞故銘長三尺而其杠亦如
之也宇簷下也賈公彥曰始造銘訖置於宇下西階
上待為重訖以此銘置於重及卒塗置於殯蓋此時
未用權置
於此也

右為銘

甸人掘坎于階間少西為墜于西牆下東鄉

甸人有司主田野者猶王官之有甸師氏也坎用以棄湏濯埋巾柶簪爪者墜土竈也用以煮湏者西牆庭中之西也此下二節為沐浴之具也凡沐浴湏米水謂之湏既經溫煮謂之湏既用以沐則謂之濯

新盆槃瓶廢敦重鬲皆濯造于西階下

新新之也盆以浙米盤以承湏濯瓶以汲水廢敦敦無足者用以盛米重鬲鬲將縣於重者用以煮湏五者皆瓦器必新之者重死事也濯滌也造至也濯於他處乃以造於此也

陳襲事于房中西領南上不綃

襲事謂襲服之事房中東房之中西領衣領向西也南上謂陳之自南而北以南為上也綃康成謂讀為

淨屈也謂陳設諸物首行從前至後陳之不能盡次
行即接續首行從後至前陳之如物之屈而復轉也
不續者每行更端別起皆從前至後不復與前行相
接續也陳襲事不續別於斂也陸稼書曰凡所陳
物少一行可陳訖者只須言南上北上不須言續不
續若物多一行陳不盡須兩行三行者則必言續不
續假如南上之物第一行從南至北第二行仍自南
至北則謂之不續若第一行從南至北第二行取便
即從北至南則是續康成云江沔之間謂繫取繩索
為淨其喻至切愚按此下十三節陳襲尸之具也

明衣裳用布

明衣浴竟所著親身
之衣取明潔之義也

髻笄用桑長四寸緩中

簪即紒也謂之簪者取以髮會聚之意簪謂固髮之
簪男子有長簪以固冠有短簪以固髮婦人即以長
簪固髮而無短簪也生時固髮之簪用骨為之櫛而
縱乃加簪今用桑不纏而簪變於生也纓中者謂簪
之兩頭濶中央狹則於髮安故
康成云纓簪之中央以安髮也

布巾環幅不鑿

布巾用以覆尸面者環幅謂廣袤相等蓋方二尺二
寸也不鑿者大夫以上使賓為親含恐尸為賓所憎
穢故於覆面之巾當口鑿穿之令含得入口也士之
子自為親含必揭開當口之巾故不鑿若鑿則是自
憎穢其親矣記曰鑿巾以飯公
羊賈為之也識失禮之始也

掩練帛廣終幅長五尺析其末

掩裏首也練帛熟素帛也析其末者兩頭皆析而為二為將結於頤下又將結於項中也賈公彥曰掩若今人撲頭但死者以後二脚於頤下結之與生人為異也愚按鄭康成謂死者不冠徐原一以為古人之襲斂全體包裹其內加冠則勢有所難容故不得已而去之意在堅束其尸非以為容飾故也然則掩以裏首亦所以代冠歟

瑱用白纊

瑱充耳也生時人君用玉臣用象為之以條懸於耳旁今死者直用纊為之如棗核大用塞耳而已異於生也

幘目用緇方尺二寸經裏著組繫

瞑目覆面目者也著光之以繫也組繫謂四角以組為繫而結之於項後也

握手用玄纁裏長尺二寸廣五寸牢中旁寸著組繫

握手所以交籠兩手者其制圍而縫之圓如竹筩手從兩端而入者也廣五寸就一面言兩面共一尺也半籠也謂空其中以籠兩手也旁寸謂四旁相接處各縫入一寸也組繫謂以組為繫綴於兩端而結於兩手之腕以為固也

決用正王棘若擇棘組繫續極二

決本以象骨為之著右手大指射者用以鈎弦死則用木為之正善也王棘與擇棘善理堅忍者皆可以為決組繫將以結於腕也極本以韋為之射者以韜右手第二第三第四指大射禮未極三是也死者以韜

襪為之又止於
二明不用也

冒緇質長與手齊經殺掩足

冒韜尸之囊也上曰質下曰殺君錦質黼殺大夫玄質黼殺士緇質經殺先以殺韜足而上後以質韜首而下其質與殺上下相接處則綴帶以結之記曰君綴旁七大夫綴旁五士綴旁三謂囊口四旁綴七帶五帶三帶以結之也劉氏績曰冒上者方正故曰質冒下身者漸狹故曰殺與手齊掩足準死者身而為之初無寸量也

爵弁服純衣皮弁服祿衣緇帶韎韐竹笏

爵弁服純衣生時助祭於君之服皮弁服生時為君祭蜡之服祿衣黑衣裳即玄端服生時暮夕於朝之

服也服有三緇帶惟用一而已其鞵亦止用爵弁服之鞵鞵者蓋但用其上服之鞵也記曰笏天子以璆諸侯以象大夫以魚須文竹士竹本象可也

夏葛屨冬白屨皆總緇約純組綦繫於踵

此皮弁服之屨也綦屨係也故君善曰踵屨後也以其當足踵之處故因以名之以綦係於此及著之乃繫於跗鞵用爵弁之鞵屨用皮弁之屨以二服尊也

庶綖繼陳不用

庶衆也庶綖即上文親者綖庶兄弟朋友綖皆是也繼陳謂繼襲衣陳之不用謂不用以襲也故君善曰庶綖親朋所遺故不可以不陳襲事所用有限故此不必用小斂大斂之衣倣此

貝三實于筭稻米一豆實于筐沐巾一浴巾二皆用綌
于筭櫛于簞浴衣于篋皆饌于西序下南上

貝水蟲古者以為貨士用以舍者也稻米用以飯豆
四升巾用以拭汙垢浴巾二者上體下體異也浴巾
生時上締下絺死者則皆用絺也於筭不言實省文
也浴衣大巾如衣者蓋浴時既以浴巾濡拭之復以
浴衣乾拭之也自貝以下皆為一行陳之教君善曰
必南上者便其取之先後也此節陳飯舍沐浴之
也具

右陳沐浴饗飯舍之具

附記三章

掘坎南順廣尺輪

二尺深三尺南其壤徑用塊

南順自北而南也
輪縱也南其壤謂

以所拙之土置於南方也塊上塊也

明衣裳用幕布袂屬幅長

下膝有前後裳不辟長及蔽繚緹緇純

幕布帷幕

之布其升數未詳言袂屬幅見與生時衣同也
長下膝以衣身言也不辟不辟積也凡裳前三
幅後四幅皆辟積其要問此亦前三後四而不
辟積則其要廣而前後相掩者深矣蔽足跗也
長及蔽取其可以蔽足也飾裳在幅曰緹在下
曰緇其色以繚飾衣曰純其色以緇鄭康成
曰飾衣以緇裳以繚象天地也飾祿之也祿
邊衣裳之側廣各寸半則表裏共三寸矣

凡冒質質長與手齊殺三尺

人身以七尺為準殺三尺則質當長

四尺然身之長短不齊故不限定也

管人汲不說繙屈之祝浙米于堂南面用盆

管人主管篇之人也井竈亦其所司故使之汲水繙汲水瓶上索也喪事尚遽不暇解脫此索故但繫屈而執於手因以授外御令漬米也祝夏祝也浙漬也外御者浙米盛米夏祝臨視之而已屈之下常有蓋階不升堂授外御之事此不言者文不具也

管人盡階不升堂受潘煮于俎用重鬲祝盛米于敦奠于貝北

潘漬米水也米未浙時實於簠而陳於貝之北今浙之則盛於簠敦而仍奠於貝之北蓋復於簠處也
士有冰用夷槃可也

夷槃承尸之槃也禮大夫以上之喪自仲春以後得用冰以寒尸尸既襲既小斂先以冰置夷槃中乃設牀於其上不施席而遷尸焉秋涼而止士無冰不得用夷槃但用兩瓦盤盛水於其中而已如君於士加恩而賜以冰則亦得用夷槃也

外御受沐入主人皆出戶外北面

外御小臣侍從者受沐受管人所煮潘也受之亦於堂上管人亦盥階不升堂授之管人復汲浴水亦不脫綺屈之盥階不升堂以授外御外御亦受之以入此不言者文不具也鄭康成曰主人皆出象平生沐浴裸程子孫不在旁也數君善曰是時婦人亦皆出經不言畧之也出則立於房矣

乃沐櫛拊用巾浴用巾拊用浴衣渙濯棄于坎

拒拭也渙濯
沐浴餘水也

蚤揃如他日

萬斯大曰蚤去手足爪甲也揃展通展其鬚使直也
喪大記亦曰爪手揃鬚如他日如生時也或謂揃為
斷鬚生時宜
斷鬚者乎

髻用組乃筭設明衣裳

用組以組束
髮所謂總也

主人入即位

鄭康成曰已設明衣裳則可以入也敦君善
曰主人入則衆主人及婦人亦皆入即位

右沐浴

附記
四章

管人汲授御者御者差沐於堂上

管人受沐乃煮之甸人取所徹廟之西北扉薪

用爨之管人授御者沐乃沐沐用瓦盤

差猶摩也

搯摩其米將取其汁以煮之而洗髮也廟即適寢也以死者在其室中故稱廟言取復者所徹適寢西北扉之木為薪而用以爨竈煮沐也管人汲授御者御者入

浴小臣四人抗衾御者二人浴浴水用盆沃水

用料

抗衾者以尸裸程故舉所覆之飲衾以蔽之也料酌也

夏祝淅米

差盛之

夏祝祝習夏禮者差盛之謂搯摩以出其汁而後以廢敦盛其米也

毋

之喪則內御者浴鬢無笄

鄭康成曰內御女御也無笄猶丈夫之不

冠也

設明衣婦人則設中帶

鄭康成曰中帶若今之禪褙

商祝襲祭服祿衣次

商祝祝習商禮者襲謂布襲衣於襲牀之上而將襲之也襲牀蓋在戶牖之間當尸牀之東祭服爵弁服皮弁服也先布祭服尊之也徐原一曰按士喪禮祝浙米於堂南鄭氏因記有夏祝浙米故注以為夏祝祝取銘置於重鄭注祝習周禮者也是周祝也其經文明著為夏祝者夏祝粥餘飯用二鬲於西牆下又夏祝及執事盥又祝降與夏祝交於階下取銘置於重是也其明著為商祝者襲襲祭服祿衣次執巾掩瑱設幘目小斂則布紼衾散衣祭服大斂則布紼衾衣啓則免袒執功布拂柩飾柩御柩皆是也賈

氏謂同是周祝而習夏禮則曰夏祝習殷禮則曰商
祝夏人教忠從小斂奠大斂奠及朔半薦新祖奠大
遣奠皆夏祝為之其間雖不言祝名亦夏祝可知也
其徹之者皆不言祝名則周祝徹之也殷人教以敬
神但是接神皆商祝為之其間行事祝取銘之類不
言祝名亦周祝可知賈氏之論詳矣余以為夏祝如
浙米粥飯皆供養之事商祝主饗斂衣衾拂柩御柩
交於神明之事夏祝事簡商祝事繁周祝文飾實兼
兩者周制博采夏商周人講習夏商之禮所謂監於
二代郁郁乎文者以此嘗讀士冠禮記委貌周道也
章甫殷道也毋追夏后氏之道也孔子便冠章甫當
時蓋兼用殷道矣檀弓載孔子之喪公西赤為志飾
棺牆置翬設被周也設崇殷也綢練設挑夏也子張
之喪公明儀為志褚幕丹質蟻結於四隅殷士也又
掘中雷而浴毀窀以綴足及葬毀宗躐行殷道也學
者行之可見武王周公盛時既因前代典章以著為

周禮而又令學士大夫採摭遺聞參用舊時儀節故雖周之晚季本朝之禮與夏殷並著學者擇而行之不以為嫌蓋即夏祝商祝之名可以知公天下之至意而禮非虛器矣

主人出南面左袒扱諸面之右盥于盆上洗貝執以入洗柶建于米執以從

面前也謂袒左抽扱於右腋之下帶之內也執以入者以貝置於筭內執筭以入也建于米執以從者以柶建于廢敦中米之內其葉向上一而執廢敦以從入也

商祝執巾從入當牖北面徹枕設中徹楔受貝奠於尸西主人由足西牀上坐東面祝又受米奠于貝北宰從

立于牀西在右

當牀北面值尸首也徹去其枕使首仰則飯舍易入也設巾以覆而應孝子見其親之形變而哀不能飯含也既設巾乃徹楔者蓋於當口揭開其巾徹去楔齒之角栖以待飯舍也奠貝於尸西蓋在主人所坐之南不於尸東者避奠位也由足西自牀北而西也凡過尸柩必由其足敬也奠米於貝北亦南上也宰從立者以佐主人也

在右在主人之右也

主人左扱米實于右三實一貝左中亦如之又實米唯

盈

左扱米左手扱米也實於右實於尸口之東邊也三扱米以實之也教君善曰左手不便於用乃用之

者山下飯舍之順也主人東面坐若用右手則必反用其柶且加手於其親之面皆非孝敬之道故不為也先實米為貝藉也又實米唯盈象食之飽也先右次左次中禮之序然也實米所謂飯也實貝所謂舍也

主人襲反位

飯舍時袒今事畢而襲謂復著衣也飯舍時在尸西今事畢而反位謂復尸東之位也

右飯舍

附記三章

飯於牖下

卒洗貝反於筭實貝

柱右齮左齮

齮牙兩畔長者教君善曰舍而因柱其左右齮蓋恐其口復閉也

夏祝徹餘飯

徹去粥之

商祝掩瑱設幘目乃屨綦結于跗連紃

掩瑱謂設掩設瑱也設掩以裏首先結於頤下次結於項後然掩其前後而兩旁猶開故可設瑱以塞耳幘目當面設之加於掩之上交結於後既設此則掩旁亦固矣跗足背也連紃者紃在屨頭上有孔綦既結有餘組則以穿連兩屨之紃而結之使兩屨不相離也

乃襲三稱明衣不在算設鞞帶摺笏

襲者遷尸於襲之上而衣之也三稱祿衣一也皮弁二也爵弁三也衣裳具謂之稱明衣不言裳省文也奠數也明衣為死者親身之衣不數於三稱之內

設決麗于桴自飯持之設幄乃連桴

鹿附也擊手下腕也飯食指也持繞而結之也言設決於右手大指而以決之繫附結於左手之腕使兩手交疊而固也然始設決時兩手尚開故先以決之繫繞於食指而結之而未結於腕及設幄後兩手交疊於幄中而兩手中指皆出於幄外因以幄兩端之繫各繞兩手中指一匝結之而更結於兩手之腕以為固是時乃以決之繫連而結之於腕也又按右手食指中指有續極二而經與記皆不言設極然以決之繫結於食指以幄之繫結於中指亦所以固極也

設冒橐之幬用衾

堯韜也余即始死時所覆大斂之衾也按記言冒者所以掩形也蓋尸雖已襲然不設冒則其形尚見於外恐為人所惡且或蠅蚋得而嘬之故復設冒以掩之也

巾衾簪蚤埋于坎

巾飯時覆面之中也衾楔齒及扱米者也簪拂餘之
髮也蚤所斷手足爪也恐為人所褻故埋之於是遂
築其坎孔仲達曰君大夫簪爪則盛以藁
實於棺角之中士賤亦有物盛以埋之

右襲

附記四章

填塞耳

以填塞於耳異於生人之懸於耳旁也

設幄

裏親膚繫鈎中指結於堅

言設幄之法以纁裏著於肌膚而以幄兩

端之繫各繞兩中指一匝結之而還結於兩腕也

甸人築圻坎

築實土以

堅也圻穿坎之名甸人掘坎故還使甸人築之

隸人湔廁

隸人罪隸為徒役者

也湔塞也古不共廁今死者之廁不用故塞之

既襲宵為燎於中庭

燎大燭也經無設燎之文故記補言之士禮死之日襲第二日小斂第三日大斂周人斂用日出今死日即襲則襲不必於日出之候觀記既襲宵為燎厥明滅燎陳衣可知也自此以前皆為死日之事

重木刊鑿之甸人置重于中庭三分庭一在南

敖君善曰木刊鑿之者謂以木為之而加刊鑿也鑿謂鑿其前為二孔而以簪貫之為懸鬲之用也賈公彥曰重之長士三尺大夫五尺諸侯七尺天子九尺據斂之者橫者宜半之檀弓記云重主道也蓋始死未作主以重主其神虞祭之後以木主替重故重是木主之道也

夏祝粥餘飯用二鬲于西牆下幕用䟽布久之繫用幹

縣於重幕用葦席北面左衽帶用幹賀之結于後

粥餘飯以飯尸餘米為粥也幕用疏布以布覆焉也
久猶承也幹革也既以布覆其上又承其下乃以革
繫之而縣於重之簪也幕用葦席以席蔽重之前後
也北面謂席之兩端皆在北也左衽謂以右端在上
而西向也帶用幹謂以革中束其席如人之帶然也
賀加也鄭康成曰士二鬲則大夫四諸侯六天子
八與簋同差

祝取銘置于重

祝習周禮者也以銘未用待殯訖乃置於殯故今
權置之於重也故君善曰蓋杠在其後銘在其前

右為重

厥明陳衣于房南領西上綰

厥明死之明日也南領西上綰變於襲也綰者首行自西而東次行則自東而西如物之屈而轉也

絞橫三縮一廣終幅析其末緇衾賴裏無統祭服次散

衣次凡十有九稱陳衣繼之不必盡用

絞以布為之所以收束衣服使堅急者橫三縮一橫者三幅從者一幅也析其末者每幅兩頭析之為兩片以便結束也統被識也以組為之綴於被領之側生時單被有識死者去之別於生也祭服爵弁服皮弁服也散衣祿衣以下也陳衣謂庶禭也

饌於東堂下脯醢醴酒冪奠用功布實于簞在饌東設

盆盥于饌東有巾

功布小功之布也設盆為奠者設盥也喪事略故無洗直以盆為盥器也鄭康成曰凡在東西堂下者

南齊
玷

直經大搗下本在左要經小焉散帶垂長三尺牡麻經
右本在上亦散帶垂皆饌于東方婦人之帶牡麻結本
在房

註詳喪服篇鄭康成曰饌於東方東玷之南直經為
上婦人亦有直經但言帶者記其異也此齊衰婦人
斬衰婦人
亦直經也

牀第夷衾饌于西北南西方盥如東方

夷衾覆尸之衾奉尸夷於堂乃設此衾故以夷衾名之盥為舉尸者設盥也如東方者亦用盆及巾饌於

西堂

下

陳一鼎于寢門外當東塾少南西面其實持豚四鬻去蹄兩胛脊肺設局鬻鬻西末素俎在鼎西西順覆匕東

柄

鄭仲興曰一鼎持豚也小斂畢將奠先設鼎寢門外常鼎北面今西面凶事變也鬻解也四謂兩肩兩髀各去蹄甲胛脊也兩胛與脊并四為七體共實一鼎肺周人所尚亦實於鼎末局尾末向西抽局者自東

出異於食鼎也素組白木為組喪主素組順鼎西橫設匕橫加俎上亦末西柄東皆小斂之奠具也

右陳小斂衣奠經帶

附記三章

厥明滅燎陳衣

燎既襲所

設之燎也

凡絞衿用布倫如朝服

凡凡小斂大斂也衿單被也小

斂無衿大斂有之倫猶類也朝服之布用十五升

奠以素器

鄭康成曰凡物

無飾曰素哀則以素斂則以飾禮由人心而已

匕以桑長三尺或曰

五尺

匕者所以載牲體從俎也吉祭北用棘

畢

用桑長三尺刊其柄與末

畢所以助主人載者刊猶削也削其柄與

其末頭畢既如此匕亦當然吉祭畢亦用棘

士盥二人以並東面立于西階下

鄭康成曰立俟舉尸也

布席于戶內下筵上簟

鄭康成曰有司布斂席也教君善曰此席布於地也喪大記曰含一牀襲一牀遷尸於堂又一牀用牀者止於是爾

商祝布絞衾散衣祭服祭服不倒美者在中

斂衣但用襲尸取其方而已故散衣或有顛倒者唯祭服尊不倒也美者猶尊者也尊者後布至斂時則在中也

士舉遷尸反位

遷尸謂從襲牀遷尸於戶內服上也

設牀第于兩楹之間衽如初有枕

兩楹間堂之正中也設牀第以將奉尸夷於堂也

卒斂徹帷

徹帷以尸既飾也曾子曰尸未設飾故帷堂小斂而徹之教君善曰斂之言藏也既襲而又加衣衾之屬所以深藏其體也

主人西面馮尸踊無筭主婦東面馮亦如之

主人馮尸謂服膺心上主婦馮尸則奉持心上衣也詳見記文踊無算其哀未可抑也

主人髻髮袒衆主人免于房婦人髻于室

始死男子將斬哀者笄纓齊衰以下骨笄而纓今小斂又將變哀者去笄而纓齊衰以下骨笄而纓今小斂又將變服故主人去笄纓而以麻為括髮衆主人去冠與纓而以布為免婦人將斬哀者則去笄纓而布髻朱子曰先儒以男子括髮與免及婦人髻皆如著慘頭如今之掠頭編子自頃而前交於額上却繞笄也

右小斂

附記七章

小斂於戶內

小斂辟奠不出室

辟開而遠之也奠始死之奠也其奠在尸東邊近於戶內則有妨斂事故特開而遠之不出室

未徹去也

小斂主人即位於戶內主婦東向乃斂

即位戶內蓋西向也

小斂大斂祭服不倒皆左衽結絞

不紐

鄭康成曰左衽衽向左反生時也

鋪絞衿踊鋪衾踊鋪衣

踊遷尸踊斂衣踊斂衾踊斂絞衿踊

陳可大曰此踊之節

也動尸舉柩哭踊無數不在此節

凡斂者袒遷尸者襲凡斂者

六人

二人臨斂四人親斂

既馮尸主人袒髻髮絞帶衆

主人布帶

絞帶布帶解見喪服

士舉男女奉尸夷于堂幰用夷衾男女如室位踊無算

教君善曰士舉舉尸首足也男女奉尸男奉其左女奉其右也此衾用夷者以其用之於尸而不以斂也
幘用夷衾者禮貴相變且斂衾當以陳也室位馮尸之位也

主人出于足降自西階衆主人東即位婦人阼階上西面主人拜賓大夫特拜士旅之即位踊襲經于序東復位

衆主人東即位者蓋從主人降自西階當主人拜賓時遂東即位於阼階也婦人阼階上西面者蓋避賓客行禮於西階而主人方降則阼階上空故暫立於其位也主人拜賓蓋於兩階之中向西階賓位而拜之也特拜者每人各一拜之也旅之者其人雖衆唯三拜之而已即位踊謂拜賓訖遂即東方阼階下西

面之位而踊也前此皆袒至是始襲既襲乃著經帶也於序東者謂向堂上東序之東而襲經也復位復

作階下西面之位也

右遷尸拜賓

附記五章

小斂大斂啟皆徧拜

孔仲達曰凡當

小斂大斂及啟攢之時唯有君來則止事而出拜之若他賓客至則不止事事竟乃即堂下之位而徧拜之也黃氏乾行曰此記喪禮拜弔之禮應子和謂小斂大斂啟攢皆喪事之大節賓亦於是拜死者弔生者故主人皆徧拜以謝之吳文正公云應氏謂賓於是拜死者古無是禮也公此辨是古今一大變易處蓋古人弔賓之禮於生者只有慰問之辭於死者則有禭賵之物及哭踊馮尸之節而已並無拜祭於死者之禮至於主人拜賓以謝其恩禮拜送以重其

來辱亦惟自盡而已賓皆無答拜之文此古禮之精意也夫知生者弔知死者傷弔賓之情於是為至主人拜謝理所宜然此何時而可交拜歟曲以成禮耶故凡非弔喪無不答拜者獨喪拜不答意在斯也後世之禮大與古人相背故揚信齋云今世俗弔賓來見几筵哭拜主人亦拜謂代亡者答拜非禮也既而弔賓主人又相與交拜亦非禮也應氏乃謂賓於是拜死者果何據而云然耶徐原一曰古禮行弔未襲尸之前主人不出既襲之後主人始出拜賓然但主人拜賓賓不答拜至於尸柩所在雖朝夕設奠從無拜禮不但弔客不拜即孝子亦未嘗拜蓋事之如事生禮如是也後世如開元政和諸禮皆然猶有古人之意至溫公舊儀則有主賓交拜之禮且有入拜靈座之禮而文

公家禮悉遵之與古禮始異矣

大夫弔當

事而至則辭焉

士於大夫弔當下堂迎之故當斂殯之事而至則使人辭以有

事不得

出也

士妻不當斂則為命婦出

命婦大夫妻也出謂

出拜於堂上若當斂而至亦使人辭焉

士妻特拜命婦汜拜衆

賓於堂上

婦人不下堂故不降拜也

婦人迎客送客不下

堂下堂不哭男子出寢門外見人不哭

婦人於敵者弔

不下堂若君夫人弔則主婦下堂至庭稽顙而不哭男子於敵者弔不出門若有君命而出迎

於寢門外

亦不哭

乃奠

鄭康成曰祝與執事為之

舉者盥右執匕卻之左執俎橫攝之入阼階前西面錯錯俎北面

舉舉鼎也其盥亦於門外右人以左手舉鼎故以右手執匕左人以右手舉鼎故以左手執俎取其便也攝持也西而錯者喪奠置鼎宜西面也錯俎北面而錯者喪奠置鼎宜西

右人左執匕抽扃予左手兼執之取匱委于鼎北加扃不坐

鄭康成曰抽扃取內加扃於匱上皆右手

乃匕載載兩髀于兩端兩肩亞兩肱亞脊肺在于中皆覆進抵執而俟

乃匕以匕次出牲體右人也戴受而載於俎左人也此時匕者西面於鼎東載者北面於鼎西南兩端俎之前後也兩肩亞各次於髀也兩肱亞各次於肩也脊肺在於中脊東而肺西在俎之中央也覆之以避塵也凡進體皆不言覆而此言覆者以不食故覆之別於生也抵本也進抵未與於生也俟俟同升也賈公彥曰康成以此為凡七體者蓋前左右肩臂臑屬馬後左右髀膊肱屬馬并左右脅通脊為七體也

夏祝及執事盥執醴先酒脯醢俎從升自阼階丈夫踊甸人徹鼎巾待于阼階下

郝仲興曰夏祝及執事盥將升奠也夏祝執醴先升執事者以酒脯醢俎從俎升大夫踊要節也凡奠男女踊皆以奠者往來升降為節甸人徹空帛出反門外故處也巾功布也有司執初堂下簞內功布巾以待祝於阼階下親受之

奠于尸東執醴酒北面西上豆錯俎錯于豆東立于俎北西上醴酒錯于豆南祝受巾巾之由足降自西階婦人踊奠者由重南東大夫踊

執醴酒者先升尊也豆兼籩言之爾雅云竹豆謂之籩故豆可兼籩也醴酒後錯要成也巾之為塵也祝既受巾之即由足而降明不立於俎北之位也祝降而執事者從之更由重而東也

賓出主人拜送于門外

教君善曰凡喪賓皆於既奠乃出

乃代哭不以官

鄭康成曰代更也孝子始有親喪悲哀憔悴禮防其以死傷生使之更哭不絕聲而已人君以官尊卑士賤以親疎為之記曰君喪縣壺乃官代哭大夫官代哭不縣壺士代哭不以官

右小斂奠

有祔者則將命擯者出請入告主人待于位擯者出告

須以賓入

出請入告出而請事入以告主也須亦待也出告須以主人待事告於賓也以賓入帥之也

賓入中庭北面致命主人拜稽顙賓升自西階出于足西面委衣如于室禮降出主人出拜送

中庭亦謂西方中庭也致命於主人乃北面者喪禮惟致命於堂東面其他則否異於吉禮也祔者親友慇懃之意故稽顙以重謝之於室禮謂委衣於尸東牀上也主人出拜送亦於門外小斂後主人於喪賓皆出送之唯不迎賓耳

朋友親祔如初儀西階東北面哭踊三降主人不踊

初儀謂初死時庶兄弟祔朋友祔之禮也既委衣復於西階上哭踊此則異於初儀者也主人不踊但哭

而已

襖者以褶則必有裳執衣如初徹衣者亦如之升降自西階以東

褶衣之有裏而無絮者也如初謂始死時襖者左執領右執要也以東藏以待大斂之事而陳之也

右有襖者

宵為燎于中庭

右設燎

厥明滅燎陳衣于房南領西上綃絞衿衾二君襖祭服

散衣庶祔凡三十稱衿不在算不必盡用

食二者始死幘用飯食二今又復制一食共得二也祭服散衣皆主人之衣也衿不在算不言絞者狹小於衿其不在算可知也不必盡用亦謂庶祔繼陳或出於三十稱者也賈公彥曰小斂衣數自天子達於士也大斂則異矣喪大記云士三十稱大夫五十稱君百稱則天子宜百二十稱

東方之饌兩瓦甒其實醴酒角觶木枲鬯豆兩其實葵

菹芋羸醢兩籩無滕布巾其實栗不擇脯四胾

鬯當作揭

東方之饌謂饌於東堂下也鬯豆木豆無飾者也芋菹之金者凡為菹四寸者金之長於四寸者切之今喪中以葵為菹則雖長而不切故言葵菹芋也滕緣也布巾籩巾也豆亦有巾獨於籩言之者以籩盛乾

物嫌於不必巾也。教君善曰：始死之奠，用吉器小斂，用素俎。至是乃用搗豆而籩，無滕皆以漸變也。菹云芋栗不擇脯四臠，亦皆變於吉也。

奠席在饌北斂席在其東

奠席，葦席也。斂席，篋與簞也。賈公彥曰：小斂奠無巾，大斂奠不惟有巾，而又有席，彌神之也。

掘殓見衽

殓埋棺之坎也。掘之於西階上，衽疑以木為之，兩端大而中央小，所以連合棺與蓋者。古之棺不用釘，惟以皮條束合之。先鑿木置衽，然後束以皮。每一束用一衽，喪大記曰：君蓋用漆三衽，三束大夫蓋用漆二衽，二束士蓋不用漆。二衽二束是也。故君善曰：掘殓見衽，言殓之深淺以見衽為度也。此殓亦在西序下。

其南蓋近
於序端

棺入主人不哭升棺用軸蓋在下

軸軼軸也軼狀如牀軸則其輪輓之而行者也故君
善曰蓋在下者卻於棺之下也棺既升則入於殯中
而蓋則置
於序端與

熬黍稷各二筐有魚腊饌于西牀南

熬煎穀也有魚腊每筐皆有之也此四物者擬用於
殯中故置於此按設熬穀及魚腊之義鄭康成謂
所以感蚘蚘今不至棺旁免侵尸也故君善則謂孝
子以尸柩既殯不得復奠於其側雖有奠在室而不
知神之所在故置此於棺旁以盡哀敬之心其不用
食而用熬穀不以牲而用魚腊亦所以異於奠也二

說故氏為長然設熬殺魚腊不能令親食反易誘螻
蟻虫蛇諸物集其側以壞棺而侵尸故置熬殺魚腊
於殯及包遣奠納甕甗等
於殯皆古禮之不可從者也

陳三鼎于門外北上豚合升魚鱠鮓九腊左胖髀不升
其他皆如初

三鼎豚魚腊也合升合左右體升於鼎也鱠鮓二魚
名腊用左胖別於吉也髀不升者教君善謂凡腊必
去髀不以豚解體解合升胖升而異也其他皆如初
者謂豚體骨及鼎之面位與匕俎之陳皆如小斂時
也

燭俟于饌東

饌東方之饌也在地曰燎執之曰燭大
斂之奠當於室之奧故有燭以待之

右陳大斂衣奠及殯具

附記二章

大斂布絞縮者三

橫者五布衿二衾

縮者三謂取布一幅裂其兩頭為三片中間不通而直用

之橫者五謂以布二幅分裂作六片而用五片橫於直者之下也衿在絞上以絞束之絞

衿如朝服絞一幅為三不辟衿五幅無統

如朝服謂

用十五升布也絞一幅為三不辟申言縮者三也辟折開也小斂直絞全幅故其末當折開大斂直絞既以一幅為三片則每片之末不復折開也衿五幅者謂單被以布五幅聯合為之無統謂無被識以別於生時也

設於東堂下南順齊於玷

饌於其上兩甌醴酒酒在南篚在東南順實角

解四木枳二素勺二豆在甌北二以並籩亦如

之凡籩豆實具設皆巾之解俟時而酌枳覆加

之面枋及錯建之

枋業屬酒在南北上也篚在東在甌之東也實實於篚也

醴一解又用一枳酒用一解計醴酒但用二解一枳今角解四木枳二為明日朝奠兼設之也

自是以後當更用之素勺二醴酒各一也籩豆實謂菹乘之屬籩豆有實而具設則皆巾之加

飾也俟時而酌謂將設乃酌之面枋者便於建也故若善曰籩豆有實而具則饌於東方及

奠於席前皆巾之若一豆一籩則於奠時或有巾之者饌時亦不巾也經言小斂之饌云饌於

東堂下脯醢醢酒幕用功布
實於簞此則不皆巾者也

祝徹盥于門外入升自阼階丈夫踊

鄭康成曰祝徹祝與有司當徹小斂之奠也小斂
設盥於饌東有巾大斂設盥於門外彌有威儀也

祝徹巾授執事者以待

敖君善曰設小斂奠之時執巾者待於阼階下祝就
而受之然則祝於此時亦惟以巾授之於阼階下蓋
授受之節宜同也祝既授巾乃還徹醢以待
者謂執事以巾置於饌所以待奠事之至也

徹饌先取醴酒北面其餘取先設者出于足降自西階

婦人踊

敕君善曰醴酒尊先取之後設先取禮相變也北面
立以待取籩豆俎者俱降也其餘謂取籩豆俎者也
先設者先取之後設者後取之經惟言取先設者見
其初者耳既取則南面西上俟執醴酒者行而從之
降矣饌
當作瑱

設于序西南當西榮如設于堂醴酒位如初執事豆北
南面東上

設於序西南改設之也凡徹尊者之饌必改設之而
後去之特牲饋食禮祝命徹胙俎豆籩設於東序下
乃生者之禮也此不設於東異於生也執醴酒者尊
故其位如初之北面西上不以便事變位也執豆俎
者初時立於俎北西上今豆
北東上以事訖向東為便也

乃適饌

致君善曰謂適東方之饌處以待事至也

帷堂

致君善曰又將設飾也

右徹小斂奠帷堂

婦人尸西東面主人及親者升自西階出于足西面袒

婦人尸西東面以男子將升故也親者謂衆主人也出於足西面則具位蓋在阼階上所布席之東也袒爲大斂變也不言髻免髻髮者蓋自小斂以來未變至成服乃改故不必言也

士盥位如初布席如初

士盥位如初亦如小斂時士盥二人並立於西階下以待遷尸也布席如初亦下莞上簟鋪於阼階上也教君善曰布席之處其於階上為少西於楹為少北蓋小斂之牀大斂之席與殯殓南北之節宜同也

商祝布絞衿衾衣美者在外君綈不倒

教君善曰君綈不倒尊也以祭服視散衣則散衣為尊以君綈視祭服則君綈為尊至是乃用君綈者大斂之禮重故以服之尤尊者為之襲而美者在外小斂布美者在中大斂又反之禮貴相變也鄭康成曰至此乃用君綈主人先自盡也

有大夫則告

大夫非斂時而至當降拜之若適當斂時而至則告以主人方有事未及拜賓也

士舉遷尸復位主人踊無算

遷尸謂從夷牀遷尸於斂上也復位謂復階下之位俟主人主婦既馮尸乃復升而舉尸以斂於棺也

卒斂徹帷主人馮如初主婦亦如之

右大斂

附記二章

大斂於阼

鄭康成曰未忍使離主人位也主人奉尸斂於

棺則西階上賓之教君善曰大斂於阼乃殯於西階象其由主位而往也

大夫

升自西階階東北面東上

鄭康成曰視斂也

既馮尸大

夫逆降反位

鄭康成曰大夫位在中庭西面

主人奉尸斂于棺踊如初乃蓋

奉尸斂於棺謂從阼階上遷尸向西階斂於棺中也蓋先以棺置殯中乃奉尸斂於棺中而加蓋於棺上所謂殯也殯時棺南首經不言者自始死遷尸以來尸皆南首故不必言也

主人降拜大夫之後至者北面視殯衆主人復位婦人

東復位

北面於西階東也小斂後主人在阼階下今殯訖不忍即阼階因拜大夫即於西階東北面視殯而哭也復位謂復阼階上下之位也阼階上雖非婦人正位以其向者在此今又復之故亦云復位也

設熬旁一筐乃塗踊無算

旁一筐謂兩旁各一筐也塗者以木覆棺上而塗之象葬時覆以槨而加土之意也

卒塗祝取銘置于殯主人復位踊襲

教君善曰置銘蓋於殯南柩在殯中而復塗之孝子慮神疑於其柩故置銘於此若使之知其處然愛敬之心也檀弓曰以死者為不可別已故以其旗識之愛之斯錄之矣敬之斯盡其道焉耳位阼階下位也襲於序東

右殯

附記四章

夏后氏殯於阼階殷人殯於兩楹之

間周人殯於西階

白虎通曰夏后氏教以忠忠者厚也曰生吾親也死亦吾

親也主人宜在阼殷人教以敬曰死者將去又不敢客也故置之兩楹之間賓主共夾而敬之

周人教以文曰死者將去不可復得故賓客之也問殯禮可行否朱子曰此不須問人當自觀其宜今以不漆不灰之棺而欲以甄土園之則必不可也士殯見衽塗

上帷之

見衽者棺在殯中不沒其蓋縫用衽處猶在外而可見也塗上者自衽以上用

木覆而塗之也惟之張帷於殯上也

既殯主人說髦

鄭康成曰兒生三月

剪髦為鬚男角女羈否則男左女右長大猶為飾存之謂之髦所以順父母幼小之心也至此尸柩不見凶喪無飾可以去之孔仲達曰父死脫左髦母死說右髦二親並沒並說之

乃奠燭升自阼階祝執巾席從設于奧東面祝反降及

執事執饌

執燭者先升堂以設席於室之奧周人飲用日出既
斂而室猶闇須用燭以照之也執巾與席從執燭者
升而設之於奧執燭南面巾委於席右既委巾乃設
席士虞禮云祝布席於室中東面是也執饌謂執東
方之饌以待俎而俱升也賈公彥曰自始死以來
襲奠小斂奠皆在尸旁今大斂奠不在西階楹所而
於室內設之自此以下朝夕奠朔月薦新皆於
室室事神之處也教君善曰凡喪奠不啟牖

士盥舉鼎入西面北上如初載魚左首進饔三列進柢

如初如小斂舉鼎執匕俎高寓匕載之儀也左首魚
首於載者為左也饔饔也魚以饔為上腴為下左首
進饔則設於席前仍右首矣魚九而三列則三三為
列也賈公彥曰公食禮右首進饔此云左首則與
生異而康成以為未異於生者蓋載者統於執設者
統於席公食言右首據席而言此左首據執而言若

設於席則
亦右首也

祝執醴如初酒豆籩俎從升自阼階丈夫踊甸人徹鼎

鄭康成曰如
初祝先升也

奠由楹內入于室醴酒北面設豆右菹菹南栗栗東脯
豚當豆魚次腊特于俎北醴酒在籩南巾如初

右菹菹在醴南也豚當豆魚次腊特於俎北者菹醴
在豆中豚魚腊三俎豚俎在豆之東魚又在豚俎之
東腊則特設於豚魚二俎之北也醴酒在籩
南者栗脯在籩中醴在栗南酒在脯南也

既錯者出立于户西西上祝後闔户先由楹西降自西

階婦人踊奠者由重南東丈夫踊

教君善曰立於戶西南面待祝出而偕行也祝後闔戶者祝錯醴最在後故後出而因闔戶也既闔戶祝西行而南執事者從之皆由檻西而降奠者由重南而東復其門東之位也祝位在門西

賓出婦人踊主人拜送于門外入及兄弟北面哭殯兄弟出主人拜送于門外

兄弟謂小功以下及大功之異門而居者至此可以歸也

衆主人出門哭止皆西面于東方闔門主人揖就次

揖就次謂揖之令各就喪次也凡喪次斬衰倚廬齊衰墜室大功有帷帳小功總麻有牀第可也

右大斂奠

附記
六章

巾奠執燭者滅燭出降自阼階

由主人之北東

奠既巾訖則室事已故執燭者出也降自阼階明不與執事者

偕行也由主人之北東則主人之位近於階明矣

居倚廬寢苫枕塊

不脫經帶

倚廬者謂於中門外東牆下倚木為廬也其戶向北寢苫卧茅席也枕塊

枕土塊也不脫經帶哀戚不在於安也

哭晝夜無時非喪事不言

鄭康成曰無時哀至則哭不必朝夕也非喪事不言不忘所以為親也

歆粥朝一

溢米夕一溢米不食菜果

溢一手所握也握滿必溢於外故謂之溢

王子和謂滿手曰溢是也食止一溢米不忍飽也不食菜果不忍食滋味也

疏哀

皆居堊室不廬廬嚴者也

堊白塗也堊室亦在中門外為之言齊哀

不居廬廬乃哀敬嚴肅之所服輕者不得居也

三年之喪廬堊室之

中不與人坐焉在堊室之中非時見乎母也不

入門

三年之喪既練則居堊室不與人坐示憂之所獨也時見以時事而見也門內寢門

也

婦人不居廬不寢苦

婦人喪次在中門之內

童子

不踊不菲不廬

菲草屨也未成人故不責以備禮

君若有賜焉則視斂

賜加恩也斂大斂也鄭康成曰君視大斂皮弁服襲裘主人成服之後往則錫哀

既布衣君至主人出迎于外門外見馬首不哭還入門
右北面及衆主人袒

教君善曰君欲視斂則使人告喪家故主人不敢升
堂而先布絞衾衾衣以待其來也喪禮主人不迎賓
若有所迎見之則不哭蓋禮然耳上經云見賓不哭
是也此於君弔既迎之於外門外又見其馬首即不
哭敬之至也入門右廟門也

巫止于廟門外祝代之小臣二人執戈先二人後君釋
菜入門主人辟

上經喪祝男巫皆於王弔則前檀弓云君臨臣喪以
巫祝桃茢此天子之禮國君臨臣之喪入廟門則使

祝代巫執葯居前所以下天子也小臣執戈前後以備非常也釋菜者祝為君禮門神也必禮門神者明君無故不來也教君善曰釋菜蓋於闕外菜葵韭之類釋謂奠之於地盛之之器則用筭云

君升自阼階西鄉祝負墉南面主人中庭君哭主人哭拜稽顙成踊出

升自阼階君自主也君立阼階西面祝背東房戶東之牆南面立君側也中庭謂東方中庭君已哭而主人出不敢必君之卒斂事故出俟於門外也教君善曰自此以下六節每節之畢主人輒出皆為不放久也留君

君命反行事主人復位君升主人主人西楹東北面升

公卿大夫繼主人東上乃斂卒公卿大夫逆降復位主

人降出

事大斂事也位入門右之位也升主人命主人升而使之視斂也公卿大夫亦命之升而使之視斂者以其尊也逆降後升者先降也復位康成謂如朝夕哭弔之位賈公彥曰康成以公為大國之孤四命引左傳吾公在溪谷之文為証蓋鄭為伯爵不合立孤但良霄鄭之公族貴重之極以此比大國之孤故臣子尊其君亦號為公也禮天子有三孤副貳三公大國無公唯有孤亦號為公是以燕禮亦謂之公也

君反主人主人中庭君坐撫當心主人拜稽顙成踊出

反命之反也撫以手按之也當心當尸之心也馮尸之禮君於臣撫之凡馮尸與必踊

君反之復初位衆主人辟于東壁南面君降西鄉命主人馮尸主人升自西階由足西面馮尸不當君所踊主婦東面馮亦如之奉尸斂于棺乃蓋主人降出

初位亦入門右位也衆主人辟以君將降也南面則當站之東以西為上也君必降者欲孝子盡其情也不當君所不敢與尊者所馮同處也

君反之入門左視塗君升即位衆主人復位卒塗主人出

反之謂命之反使視塗也入門左則不必至階下欲其出之便也

君命之反奠入門右乃奠升自西階君要節而踊主人從踊卒奠主人出哭者止

入門右即初位也升自西階以君在阼故避之也要猶候也節當踊之節謂執奠者始升階及既奠由重南東時也哭者止以君將降不敢喧聒也

君出門廟中哭主人不哭辟君式之貳車畢乘主人哭拜送

鄭康成曰辟逡巡避位也古者立乘式謂小俯以禮主人也貳車副車也其數各視其命之等君出使異姓之士乘之君弔蓋乘象路賈公彥曰王有五路五金象革木諸侯則同姓金路已下異姓象路已下四

衛革路已下蕃國唯有木路然則惟王與同姓異姓
得乘象路若四衛諸侯侯伯已下與王無親者亦各
乘已所賜之車
革路木路之等

襲入即位衆主人襲拜大夫之後至者成踊賓出主人

拜送

故君善曰既送君即襲於外明其袒之久者為君在
故也既即位乃拜大夫之後至者禮宜更更不可於
送君之餘由便拜之也
後至謂君既至而來者

右君視大斂

附記二章

君於士既殯而往為之賜大

斂焉 君視斂若不待奠加蓋而出不視斂則

加蓋而至卒事

教君善曰君於士既殯而往常禮也此二者加於常禮特以有

他故而不能終始其事耳

三日成服杖

教君善曰成服者向已經帶矣今復以冠哀之屬足而成之也三日者以加經帶之日數之也曲禮云生與來日是也賈公彥曰三日之朝行大飲之事今更加一日是四日矣而言三日者謂除死日數之為也

右成服

附記一章

三日絞垂

鄭康成曰成服日絞要經之散垂者

拜君命及衆賓不拜棺中之賜

君命及衆賓謂來弔已及賙賻者已成服可拜謝之也棺中之賜謂襚也襚禮不施於已故不必拜謝也徐原一曰後世有謝孝之禮多謂晚近之陋習不知古禮拜君命及衆賓已先有之然古之仕者不出本國則其所詣近在一域之中豈若後世之過都歷邑越在數百里之遠而亦往叩其門哉況古所重者君賜君有賜不可以不拜謝故因拜君而即拜衆賓後世大臣之沒及大臣之父母沒則得蒙君之惠初未嘗有凶服往拜之禮獨奈何於遠客之弔而僕僕拜謝之哉方當處苦塊之中以奉朝夕之饋奠乃遽離喪次而惡車直經奔走於道途信宿旅次甚至浹旬而不返諒亦秉禮者所不為矣

右拜君命及賓

附記一章

主人乘惡車白狗臂蒲蔽

御以蒲蔽犬服木館約綏約轡木鑣馬不齊髦

惡車木車無飾者也臂覆苓也以白狗皮為之
吉時或以鹿玉藻云士齊車鹿臂蔽即第也在
車兩邊以蒲席為之吉時或以簞詩云簞第魚
服蒲敢壯蒲莖也用蒲敢以策馬示不在於馳
驅也服兵服也凡兵器建之於車上苓間喪中
乘車亦有兵器自衛以白犬皮為服其吉時則
或以色也一說犬服不言色蓋以其革為之館
車轄也館與鑣平時皆以金為之今皆用木取
少聲也約繩也綏與轡平時皆以索為之與繩
有精粗之別也鑣馬銜也齊剪也教君善曰
康成謂齊哀以下其乘素車驪車漆車於案中
車王之喪車五乘木車始死所乘素車卒哭所
乘綠車既練所乘驪車大祥所乘漆車既禫所
乘此士之喪車亦當五乘主人乘惡車齊哀乘
素車與卒哭同大功乘綠車與既練同小功乘
驪車與大祥同總麻乘漆車與既禫同主人至

卒哭以後哀殺故齊衰以下節級與主人同故鄭為此義也若然士尋常乘棧車漆之今既禫

亦乘漆車者主婦之車亦如之疏布袂鄭康成曰袂車禮窮則同也

裳帷於蓋弓垂之教君善曰婦人之車必有袂而喪車則以疏布為之明吉時不然也主婦乘

車而出者拜夫人之命及女賓之弔者也貳車白狗攝服其他皆如

乘車鄭康成曰攝猶緣也以白狗皮緣服教君善曰主人主婦皆有貳車各得用二乘士

昏禮謂從車二乘是其數也凡貳車之數天子

十二上公九侯伯七子男五孤卿大夫三士二乘此貳車亦惡車也乘車主人主婦所乘之車也其他謂凡器物在服之外者

朝夕哭不辟子夕

賈公彥曰此殯後阼階下朝夕哭也祭以乙卯
死紂以甲子亡王者以為忌日惟凶事不避

婦人即位于堂南上哭丈夫即位于門外西面北上外
兄弟在其南南上賓繼之北上門東北面西上門西北
面東上西方東面北上主人即位辟門婦人拊心不哭

即位於堂阼階上也丈夫衆主人衆兄弟也門外廟
門外也外兄弟異姓有服者也同姓異姓之親及賓
客雖以親疎為序列於東方而所上相變明其不相
統也門東門西外門內之左右也以下文考之則此
東方之賓卿大夫也門東諸公也門西他國之異爵
者也然則在西方者其士與列定而主人乃即位蓋
在東方衆主人之北也辟開也凡廟門有事則開無
事則閉拊心不哭見其悲哀而未敢哭以男子未哭

故也

主人拜賓旁三右還入門哭婦人踊

敖君善曰旁三謂向賓所立之方而三拜之也於內外之拜別其尊卑故於此畧之總旅拜而已以序言之先南面拜乃東面拜西面拜既則右還而入門也婦人但言踊以踊見哭也哭有不踊踊無不哭者

主人堂下直東序西面兄弟皆即位如外位卿大夫在主人之南諸公門東少進他國之異爵者門西少進敵則先拜他國之賓凡異爵者拜諸其位

堂下阼階下也內位與外位同上言賓繼外兄弟此言卿大夫在主人之南明外兄弟以上皆少退于主人

蓋互見也異爵公卿大夫也他國之異爵者謂來聘若從君來朝者也門東又有私臣之位門西又有公牲記云公有司門西北面東上私臣門東北面西上此位亦當如之也敵謂賓之爵與他國之賓相敵也敵則先拜他國之賓亦惟謂異爵者若士則否以其同國異國之位皆在西方又旅拜之亦不宜異也凡諸公卿大夫也拜諸其位就其位而拜也鄭康成曰賓皆即此位乃哭盡哀止主人乃拜之如外位矣

右朝夕哭

附記

朝夕哭不帷

孔仲達曰孝子欲見殯故當朝夕進

入廟門內哭泣之時除去殯宮帷也哭竟則帷之

無事不辟廟門哭

皆於其次

朝夕入即位哭則暫開廟門若無事則不開其晝夜無時之哭則皆於廬

次之
中也

徹者盥于門外燭先入升自阼階丈夫踊

徹者徹大斂之宿奠也言燭先入則徹者從之可知矣

祝取醴北面取酒立于其東取豆籩俎南面西上祝先出酒豆籩俎序從降自西階婦人踊

祝已取醴北面立已取酒者亦北面立於其東西上也餘人已取豆籩俎者南面立西上由是而出則祝執醴在先次酒次豆籩次俎以次序從出也

設于序西南直西榮醴酒北面西上豆西面錯立于豆

北南面籩俎既錯立于執豆之西東上酒錯復位醴錯于西遂先由主人之北適饌

醴酒北面西上言祝執醴與執酒者皆北面立而西上也醴錯於西遂先者明祝不復位也適饌適新饌將復奠也

右徹大斂奠

乃奠醴酒脯醢升丈夫踊入如初設不巾

教君善曰如初設者醴酒錯於脯南也不巾別於殷奠也室中惟殷奠則巾其餘否

錯者出立于戶西西上滅燭出祝闔戶先降自西階婦

人踊奠者由重南東丈夫踊

教君善曰滅燭出謂執燭者滅燭而出也亦先降自阼階由主人之北東

賓出婦人踊主人拜送衆主人出婦人踊出門哭止皆復位闔門主人卒拜送賓揖衆主人乃就次

皆復位謂衆主人復門外西面之位也卒拜送賓揖衆主人者謂拜送賓之事已卒乃揖衆主人使各就次也

右朝夕奠

附記一章

朝奠日出夕奠逮日

逮日及日之未落也

方性夫曰朝奠以象朝時之食夕奠以象夕時之食孝子事死如事生也

朔月奠用特豚魚腊陳三鼎如初東方之饌亦如之

朔月月朔日也朔月之奠象生時之
朔食其禮持盛也如初謂大斂時

無籩有黍稷用瓦敦有蓋當籩位

無籩而有黍稷所以
別於大小斂之奠也

主人拜賓如朝夕哭

朝夕哭拜賓有三將入廟門旁三拜一也既入
哭與爵者拜諸其位二也拜送三也此皆如之

卒徹

徹徹朝夕宿奠也教君善曰朝夕奠無俎非盛饌徹
則去之不復改設於序西南唯言卒徹為下事節也

舉鼎入升皆如初奠之儀卒匕釋匕于鼎俎行匕者逆出甸人徹鼎其序醴酒菹醢黍稷俎

升謂匕而升於俎也初奠大小斂之奠也俎行者俎後執執俎者行則鼎及匕者皆可以出也其序升入之次序也

其設于室豆錯俎錯腊特黍稷當籩位敦啟會卻諸其南醴酒位如初祝與執豆者巾乃出

黍稷當籩位俎南黍稷東稷也會合也謂敦蓋也醴酒位如初亦醴在黍南酒在稷南也祝與執豆者巾謂中分其奠祝巾在南者執豆者巾在北者各於近其位者而巾之也然則巾大斂奠亦當如之特於此

乃見之耳

主人要節而踊皆如朝夕哭之儀

要節而踊者丈夫婦人皆然但言主人省文也

月半不殷奠

殷盛也大夫以上月半亦如朔之盛奠士月半不復盛奠下尊者也

有薦新如朔奠

新謂五穀之新熟者也如朔奠謂牲牢菹醢一如朔之盛奠也

徹朔奠先取醴酒其餘取先設者敦啟會面足序出如

入

敦啟會徹時不復蓋也
面足執之令足向前也

其設于外如于室

右朔奠薦新

附記
二章

朔月童子執帚卻之左手奉

之從徹者而入

鄭康成曰童子隸子弟也執用
左手卻之示未用也從徹者而

入童子不
專禮事也

比奠舉席埽室聚諸室布席如初

鄭

成曰比猶先也室
東南隅謂之室

卒奠埽者執帚垂末內鬚從

執燭者而東

教君善曰執帚垂末明已用也是
時垂末內鬚則向者卻之其反是

敬

燕養饋羞湯沐之饌如他日

燕養朝夕之奠所用供養

也饋羞謂進醴酒脯醢之類湯沐謂五日則燂湯清浴三日具沐也言朝夕時饋羞及設湯沐

之具皆如生存之日也

朔月若薦新則不饋於下室

萬斯同曰

下室即正寢之室也謂既有朔月薦新之奠則不必有朝夕室中之奠也舊說以下室為燕寢而解燕養饋羞湯沐之饌謂正寢朝夕奠之外別有燕寢朝夕之奠非也

禮經本義卷十二

欽定四庫全書

經部
禮經本義卷十四

詳校官監察御史_臣陳化龍

給事中_臣溫常綬覆勘

總校官原任中允_臣王燕緒

校對官中書_臣李荃

謄錄監生_臣王焜

欽定四庫全書

禮經本義卷十三

無錫蔡德晉撰

凶禮

士喪禮下

筮宅家人營之掘四隅外其壤掘中南其壤

宅墓域也家人有司掌墓域兆域者營猶度也南其壤為美時正首故壤在足處也教君善曰士筮宅而不下適尊者之禮也

既朝哭主人皆往兆南北面免經命筮者在主人之右
皆往明衆主人亦行也兆即所營之墓域也免經謂除去首經要經以將筮對越神明不敢純用凶也

筮者東面抽上贛蕪執之南面受命命曰哀子某為其父某甫筮宅度茲幽宅兆基無有後艱

受命謂受命於命筮者也命曰命筮者命之也某甫死者之字也度謀也基始也後艱謂後日或有非常艱難之事若崩壞之類也言謀此以為幽冥之宅今當為兆域之始得毋其後或有艱難乎

筮人許諾不述命右還北面指中封而筮卦者在左

既受命而申言之曰述不述者士禮畧也中封中央壤也指中封若示神以其處也

卒筮執卦以示命筮者命筮者受視反之東面旅占卒
進告于命筮者與主人占之曰從主人經哭不踊

教君善曰卦者書卦於木既卒筮而筮者乃執以示
命筮者必示命筮者以其出命故也既占而先告命
筮者乃告主人亦此意也若告時則受命示封皆於
主人占之曰從所告之辭也從謂從其所筮之地也
書曰龜從筮從
經者筮事畢也

若不從筮擇如初儀

筮擇更擇地
而筮之也

歸殯前北面哭不踊

殯前西階下也朝夕之哭皆於阼階下今筮宅而歸則於西階下向殯而哭者明非常也

右筮宅

附記二章

筮宅冢人物土

鄭康成曰物相也相其地之可葬乃

營之

祔葬者不筮宅

孔仲達曰前人之葬已筮而吉故祔葬者不必筮也

既井槨主人西面拜工左還槨反位哭不踊婦人哭于堂

井槨謂匠人為槨刊治其材構之於殯門外其形方如井文也拜工謝其勞也左還槨謂左體向西南繞槨而行周視其材制之美惡也反位反西面拜位也凡槨及明器之成主人觀看視既哭之則往施之也中

獻材于殯門外西面北上綰主人徧視之如哭槨獻素
獻成亦如之

材謂明器之材未斲治先獻之驗其堪否也西面北上謂自南至北而陳之前列在西徧視之亦自其所上者始也如哭槨謂拜工左還反位哭不踊皆如上儀也形法定為素飾治畢為成

右哭槨哭器

附記一章

既殯旬而布材與明器

材謂槨材

明器亦謂明器之材殯後十日當治葬具故取槨材及明器之材分布而暴乾之蓋豫備也

卜日既朝哭皆復外位卜人先奠龜于西塾上南首有
席楚燂置于燂在龜東

卜日卜葬日也楚荆木也用以然火而灼龜者故謂之楚煇煇燒木存性者用以然火則易然也凡卜以明火熬焦乃炊其焦之火以然楚煇也

族長涖卜及宗人吉服立于門西東面南上占者三人
在其南北上卜人及執燹席者在塾西

族長族人之尊者也吉服者以對越神明故也占必三人者欲考其言之是非同異以定所從書所謂三人占則從二人之言也

闔東扉主婦立于其內

卜葬大事故主婦亦躬親之

席于闕西闕外宗人告事具

鄭康成曰席亦西面告告主人也

主人北面免經左擁之泣卜即位于門東西面

主人既免經則亦西面泣卜族長也更西面當代主人命卜也

卜人抱龜句燋先句奠龜西首燋在北宗人受卜人龜

示高泣卜受視反之宗人還少退受命命曰哀子某來日卜葬其父某甫考降無有近悔許諾不迷命還即席西面坐命龜興授卜人龜負東扉

燋先謂執燋者先於龜而行也。奠龜西首，象神位在西向之。以奠龜也。燋在龜北，蓋南上也。既奠燋，又執龜以授宗人，而宗人受之也。示高以龜腹中，高起所當灼處，示涖卜也。受命謂受命於涖卜也。命曰涖卜者，命之也。來日將來之日也。某者，干支之名，考成也。降謂葬而體魄下降也。言卜此日成某葬事，得毋有近於咎悔者乎？許諾，宗人許諾也。命龜宗人以涖卜之，命告於龜也。授卜人龜使之灼也。負，東扉俟龜之兆也。

卜人坐作龜，興宗人受龜，示涖卜。涖卜受視，反之宗人退東面。乃旅占，卒不釋龜，告于涖卜。與主人占曰：「某日從授卜人龜，告于主婦。主婦哭，告于異爵者，使人告于」

衆賓

作龜以火灼之而作其兆也不釋龜執之以告也泣
卜不哭者吉服也主人不哭者未經也告於主婦不
執龜者下主人也異爵者謂卿大夫之在外位者衆
賓謂士之在外位者既朝哭皆復外位使人就其位
而告之宗人
不必親告也

卜人徹龜宗人告事畢主人經入哭如筮宅賓出拜送

敖君善曰云徹龜則向者復奠於西塾上以待事畢也

若不從卜擇如初儀

右卜筮日

既夕哭請啓期告于賓

先葬二日夕哭之後各復外位有司乃請啓殯之期於主人以告衆賓使衆賓共知其時也敎君善曰向者既卜日即告於異爵者及衆賓則是賓固知其葬日矣而有司必請其期以告於賓重慎之至也賈公彥曰請啓期在葬前二日中間容朝廟一日此諸侯下士一廟其上士二廟則先葬前三日以一廟則一日朝二廟則二日朝故葬前三日中間容二日也若大夫三廟則葬前四日諸侯五廟則葬前六日天子七廟則葬前八日可知矣

右請啓期

夙興設盥于祖廟門外

教君善曰設盥為舉鼎反設奠者也一廟而祖禰皆在焉惟云祖者是禮主於祖也孔仲達曰祭法適士二廟官師一廟此經專舉一廟者下記則據二廟言之

陳鼎皆如殯東方之饌亦如之

此所陳鼎為朝祖奠及祖奠陳之也質明而行朝祖奠日側而行祖奠亦猶平日有朝夕之奠而特盛其禮也如殯如大斂既殯之奠謂陳三鼎也東方之饌亦如之謂兩瓦甒兩甔兩簋也

俛牀饌于階間

俛牀即小斂後承尸於堂之牀也階間祖廟堂下樞至祖廟兩楹之間北首時乃用此牀

右陳祖奠具

附記

夷牀軼軸饌於西階東

鄭康成曰

夷牀饌於祖廟軼軸饌於殯宮其二廟者於禭亦饌軼軸焉賈公彥曰軼軸以俟載柩禭亦饌軼軸者以柩先朝禭至禭廟移柩升堂明旦乃移柩於軼軸上載以朝祖廟朝祖廟時下柩訖明日用蜃車軼軸不復更用不饌之

其二廟則饌於禭廟如小

斂奠乃啓

朝禭之奠如小斂者降於朝祖之奠也

二燭俟于殯門外

一燭於室中照徹奠一燭於堂照開殯殯也

大夫髻散帶垂即位如初婦人不哭主人拜賓入即位

袒

教君善曰髻者去冠與纓而為露紒也將髻髮者必先髻此斬哀者耳其齊衰以下則皆免散帶垂解其三日所絞者也凡大功以上皆然髻與散帶垂未殯之服也是時棺柩復見故復此服焉但言丈夫婦人不與也婦人之帶所以不散垂者初已結本又質而少變故於此不與丈夫同也其不言髻者婦人不當髻者雖未殯亦不髻則此時可知其當髻者自小斂至此自若無所改變故不必言也

商祝免袒執功布入升自西階盡階不升堂聲三啓三

命哭

教君善曰商祝公有司也為士但當弔服加麻此時有事於柩故復為之袒免鄭康成曰聲三三有聲存神也啓三三言啓告神也

燭入

鄭康成曰照
徹與啓殫者

祝降與夏祝交于階下取銘置于重

教君善曰祝降者周祝取銘而降也不言其升故以
降見之與夏祝交事相接也惟云交者亦相右也凡
交而非相右者經必言相左以別之夏祝與執事者
升取宿奠也祝取銘置於重為啓殫遺之也取銘在
前置於重在後乃
合而言之文順耳

踊無奠

鄭康成曰
主人也

商祝拂柩用功布幘用夷衾

拂拭去塵也夷衾即小斂後覆尸之衾至此以之覆柩蓋當隨柩入壙矣

右啓殯

附記一章

啓之昕外內不哭

鄭康成曰將有事為其謹器既

啓命哭賈公彥曰經惟言婦人不哭不云男子故記明之

遷于祖用軸

遷於祖朝祖廟也蓋象平生時將出必告廟而後行也軸軼軸也賈公彥曰自殯宮遷移於祖廟用軼軸載之此士禮若大夫朝廟當用輅諸侯天子殯葬朝廟皆用輅但天子畫轅為龍謂之龍輅

重先奠從燭從柩從燭從主人從

此行之序也奠從謂朝夕奠也徹以從柩故亦謂之啓奠賈公彥曰柩之前後皆有燭者以柩車為隔恐闇故各有燭以照道若至廟燭在前者升照正柩在後者在階下照升柩也教君善曰主人從衆主人以下從婦人從女賓從男賓在後女賓以上其以服之親疏為序服同乃以長幼也

升自西階奠俟于下東面北上主人從升婦人升東面衆人東即位

升自西階謂柩也柩在寢則殯於西階故朝廟亦升自西階別於生時也若生前入廟則少牢饋食禮云主人盥升自阼階是也奠俟於廟俟正柩也婦人升謂主婦及衆婦人皆升也此時男子唯主人升而婦人則皆升者以婦人當在堂上觀下文主婦及親者由足西面可見也衆人東即位謂衆主人從柩至西

階下遂向東階下即西面位也 教君善曰婦人東面當負序以避奠者之往來東即位者乃衆主人也 脫一主字此時堂下之位 亦如朝夕哭不皆在東方

正柩于兩楹間用夷牀

鄭康成曰是時柩北首教君善曰此正柩於堂正與小斂後尸夷於堂相類故仍用其牀

主人柩東西面置重如初席升設于柩西奠設如初巾之升降自西階主人踊無奠降拜賓即位踊襲主婦及親者由足西面

置重如初謂如殯宮時三分庭一在南二在北而置之也席設於柩之西當西階也奠設如初謂所從啓

奠設於席前亦東面如在室中時也中之以禦風塵也主人踊無奠降拜賓謂即柩東之位則踊既奠乃降也即位亦在阼階下襲亦在序東婦人由足出於柩南也西面謂在阼階上也亦南上鄭康成曰親者西面堂上迫疏者可以居房中教君善曰席設於柩西亦差近於柩奠設於席前亦當柩少北柩北首西乃右也於此奠焉與奠於尸右之意同不統於柩奠宜統於席也不去席者先已用柩則不變之且尸柩之奠亦宜異也

薦車直東榮北輅

薦進也進車者象生時將行陳駕也此車非載柩之車乃奠之魂車即記所謂乘車道車葉車也先陳乘車次陳道車次陳葉車以西為上輅輅也北輅以柩北首故也

質明滅燭徹者升自阼階降自西階

質正也徹去朝夕宿奠將設遷祖奠也徹奠不改設於序西南以無俎而非盛饌故也

乃奠如初升降自西階主人要節而踊

鄭康成曰此為遷祖奠也奠升不由阼階柩北首辟其足也故君善曰節謂徹者奠者之升降與奠者由重南東時也要節而踊丈夫婦人皆然

薦馬纓三就入門北面交轡圉人夾牽之御者執策立于馬後哭成踊右還出

馬駕車之馬每車二匹纓馬鞅也采色一匹為一就纓為馬設故與馬同薦之唯言入門但沒雷耳不必

主中庭也。圉人養馬者，每馬兩轡交轡而夾牽之，謂左人牽右轡，右人牽左轡也。主人於薦車不哭，至薦馬乃哭成踊者，以車得馬而成也。主人既哭成踊，馬則右還而出也。賈公彥曰：記云薦乘車纓轡，貝勒縣於衡，此薦馬得有纓者，以薦車時縣於衡至薦馬時又取而用之，故兩見之也。前薦車在奠上，此薦馬在奠後者，欲其既奠即出，恐踐汚廟中，故後薦之也。

賓出主人送于門外

送於門外，謂拜送於祖廟門之外也。

右朝祖

附記三章

朝於禰廟，重止於門外之西東面。

柩入，升自西階，正柩於兩楹間，奠止於西階之

下東面北上主人升柩東西面衆主人東即位

婦人從升東面奠升設於柩西升降自西階主

人要節而踊

鄭康成曰重不入者主於朝祖而行若過之也門西東面待之使也

賈公彥曰主人要節而踊奠升主人踊降時婦人踊也

燭先入者升堂東

楹之南西面後入者西階東北面在下

燭在道則一在

柩前一在柩後入廟則一升堂一在堂下適祖時亦然

主人降即位徹乃

奠升自西階主人踊如初

降即位謂降拜賓即降階下位也則婦人

亦東即降階上位矣奠即如小斂奠者也主人踊如初亦要節而踊也不言婦人踊者省文也

祝及執事舉奠巾席從而降柩從序從如初適

祖

鄭康成曰此謂朝禰明日舉奠適祖之序也

薦乘車鹿淺帟干

竿革鞮載旌載皮升服纓轡貝勒縣於衡

乘車士所

乘棧車也鹿淺鹿夏毛也干盾也竿矢箛也有干無兵有箛無弓矢明不用也鞮韠也旌旗也勒馬頭絡銜也以貝飾之衡軻端橫木以駕馬者教君善曰經言薦馬纓三就入門北面交轡圉人夾牽之則是薦馬之時纓轡皆在馬之身矣此乃謂纓轡貝勒縣於衡其指薦馬前後之時而言歟蓋事至則加之既則脫之而置於此也

道車載朝服

鄭康成曰道車

朝夕及燕出入之車朝服日視朝之服也賈公彥曰士乘棧車更無別車而上云乘車下云

葉車此云道車者雖有一車所用各異也葉車載簞笠鄭康成曰葉猶散也散車

以田以鄙之車簞笠備雨服凡道車葉車之纓轡亦縣之於衡也

既正柩賓

出遂匠納車於階間

鄭康成曰遂匠遂人匠人也遂人主引徒匠人主載

柩寔職相左右也車載柩車周禮謂之屬車雜記謂之陰教君善曰賓出而納此車於階間為主入送賓而入則當載矣愚按階間堂下兩階之中間也

有司請祖期曰日側

祖將行而祭道神之名此於主人送賓在外而請之也日側謂日過中時乃主人答辭也有司既得祖期不言告於賓者於請啟期已見之也顏氏師古曰祖送行之祭皆黃帝之子縶祖好遠遊卒於道故後

人以為行神將行
祭之因饗飲也

右請祖期

主人入袒乃載踊無奠

祖為載而變也載者向柩在堂北首今卻
下以足向前而載於階間柩車之中也

卒束襲降奠當前束

束束棺於柩車也棺在柩車前後皆有束既卒束則
主人之袒者可襲矣降奠下遷祖之奠也當前束謂
在柩車西面當其前束
猶始死之奠當尸謁也

商祝飾柩一池紐前經後緇齊三采無貝

飾柩謂加帷荒所以華道路及壙中不欲衆憎惡之也池以竹為之狀如小車苓衣以青布一池懸之於柩車前也紐所以聯帷及荒者蓋荒在上帷在旁以紐連結之前經紐二後緇組二也荒之中央形圓如車蓋高三尺徑二尺餘者謂之齊如人之有臍也以三米緇為之上米中白下蒼著以絮元士以上有貝綴之以絡於齊上

設披屬引

披以緇為之絡於柩車人居旁牽之以備傾虧者也屬猶著也引引柩車之索也亦屬之於車

右載柩加飾

附記三章

將載祝及執事舉奠戶西南

面東上卒東前而降奠席於柩西

舉奠戶西南面東上謂執

之以立也前於柅西

巾奠乃牆

牆謂帷荒之屬言巾奠訖商祝

謂既設席乃設奠也

乃飾池視重雷

重雷屋承雷也以木為之承於雷下使水入其中而復雷

柅也於兩旁之地故名重雷柳車象宮室池之制則象重雷也

士布帷布荒

謂布

以白布為之其大

夫以上加采畫焉畫嬰二皆戴綏

畫畫雲氣也嬰形似扇以

木為之在路則障車入樽則障柅也皆戴綏者以五采羽作綈綴嬰之兩角也

陳明器于乘車之西

鄭康成曰明器藏器也陳於乘車之西則重之北也

折橫覆之抗木橫三縮二加抗席加茵用疏布緇翦有

幅亦縮二橫三

折連木為之亦縮者三橫者五蓋形如牀而無簀既
寔加之橫上以承抗席者也橫謂橫陳之抗禦也抗
木所以禦土抗席所以禦塵既陳抗木於折北又加
此抗席三領於抗木之上也茵所以藉棺者以大功
粗疏之布為之翦當作淺緇淺謂染為淺緇之色有
幅謂用一幅布不削去兩邊幅而縫合之以為袞具
中則實以茶也其陳之則加於抗席
之上蓋陳之次與用之次各不類也

器西南上綰

敖君善曰器自苞而下者也均其多寡分為數列以
要方也其前列始於茵北之西以次而綰焉其後列
不過於茵北之東可知
矣器主於入擴故南上

茵苞二簞三黍稷麥甕三醢醢屑冪用疏布甒二醴酒冪用功布皆木桁久之

茵非明器而言之者以陳器常從茵向北為次第也苞所以裹遺奠羊豕之體者以葦為之簞本竹器此以管箏為之甕甒皆瓦器屑並桂之屑也疏布大功之布功布則小功之布也皆木桁久之每器皆以木桁承之鄭康成所謂每器異桁也

用器弓矢耒耜兩敦兩杆槃匱匱實于槃中南流

用器常用之器弓矢兵器耒耜農器杆用以盛湯漿者敦杆食器槃匱盥器流匱吐水口也

無祭器有燕樂器可也

祭器尊大夫以上始有之燕樂器謂與賓客燕飲所用之樂器如琴瑟竽笙之屬可者許其得用亦非必於用也故君善曰檀弓云琴瑟張而不平竽笙備而不和有鐘磬而無篳簫其燕樂器之謂歟

後器甲冑于斧

鄭康成曰此皆師後之器

燕器杖笠翬

燕器燕居安體之器杖者所以扶身笠蓋也所以禦暑翬扇也所以納涼

右陳器

附記二章

抗木刊

刊削之也

茵著用茶實綏澤焉

鄭康成曰茶茅秀也綏廉薑也澤澤蘭也皆取其香且禦濕也葦苞長三尺一

編

一編謂一

管筭三其實皆淪

其實皆淪謂黍稷麥皆以湯漬

之而不熟不以食

弓矢之新沽功

新新造之也沽粗畧

也弓矢必新造示敬也其功之粗畧以示不用也

有弭飾焉亦可張也

有秘設依撻焉有韜

弭弓無緣者以骨角飾兩頭可張言功雖粗畧亦使

可張也秘弓檠也弛則以繩縛之於弓裏檠弓體使直也以竹為之依撻未詳舊說依謂以韋依經其弦也撻所以撻矢令出者生時以骨為之于附側死者亦以韋為之韜弓衣也以縞布

之為一乘骨鏃短衛志矢一乘軒輶中亦短

衛

鏃矢侯物而射之矢也四矢曰乘生時鏃矢金鏃死者以骨為之衛羽也短羽亦示不用

也志矢習射之矢書云若射之有志蓋習射者必志於貫革故其矢謂之志矢軒輜猶高下也凡鏃矢前重後輕重則輕而下輕則軒而高志矢輕重得均故高下適中也生時志矢骨鏃死者則不用也爾雅曰金鏃翦羽謂之鏃骨鏃不翦羽謂之志弓有緣者謂之弓無緣者謂之弭邢昺曰翦齊也孫炎曰緣謂綴束而漆之弭謂不以綴束骨飾兩頭者也

徹奠巾席俟于西方主人要節而踊

徹奠者徹朝祖奠以避遷柩也是奠於載時已經降設故不復改設也巾席俟於西方者以祖奠將用之然柩車未還故於西方俟之也要節而踊者徹者自東方由重南而西至西南折而北遂東而而徹既徹自西北而南遂於西南由重東南而東當東方西向丈夫踊西南北向及西北南向時婦人踊由重南東

時丈夫
踊也

祖商祝御柩乃祖踊襲少南當前求

祖為將祖而變也御柩謂居柩車前却行詔傾軔使
執披人知其節度也祖謂還柩向外而行祖祭也是
時則主人踊既踊乃襲教君善曰踊襲不皆於故位
既則少南蓋主人柩東之位皆當前求載時前求在
北及還柩則在南故少南以當之
然則柩車雖還亦不離其所也

婦人降即位于階間

教君善曰柩已還而首南向婦人乃即位於其北位
亦當西上婦人不位於車西恐妨賓客之行禮者也
祖還車不還器祝取銘置于茵二人還重左還

祖有行漸魂車亦宜向外故還之明器當陳時西南
上已有行意故不還銘在重以將還重故徹而置於
茵重二人還之則舉之亦二人也左還自西北而東
南也車馬西上宜右還重一而已宜左還皆由便也
布席乃奠如初主人要節而踊

此設祖奠也記云祝饌祖奠於主人之南當前輅北
上則是布席於輅東少南東面而奠於其東也輅已
南首故奠於此亦奠於尸東之意也向者巾席俟於
西方今由重南東當前輅而布之要節而踊謂奠者
方來及將去時皆踊也婦人亦然此奠者自東方
來即於輅東奠之無至西方及由重南東之事

薦馬如初

賈公彥曰上已薦馬今又薦者以輅
車還而向南為行始宜新之故也

賓出主人送

右祖奠

附記

祖於庭

祖還車不易位

教君善曰還車

謂還薦車也不易位西者亦當東榮

執披者旁四人

賈公彥曰一旁四人兩旁

則八人備傾虧也

祝饌祖奠於主人之南當前輅北

上巾之

教君善曰饌猶設也祝及執事者饌唯言祝者祝尊也於主人之南明其在輅

車東也主人之位當前東故奠少南當前輅也北上謂先設豆於北也愚按當前輅者鄭康成

謂輅轅縛所以屬引輅有前後賈公彥謂以木縛於輅車轅上以屬引於上而挽之故名轅縛

經云前輅明有後以對故知輅有前後然則奠於輅東而當前輅與主人位於輅東而當前東

文法同非謂當輅之前也下章賓奉幣由馬西當前輅北面致命康成謂由馬西則亦當前輅之西於是北面致命得向柩與奠蓋謂馬在南賓自南而西立於柩車之西而當前輅則柩與奠皆在北之東故云得向柩與奠非謂奠在柩南而賓立於奠之南也

有司請葬期入復位

請葬期亦因主人送客在外而請之也入復位謂主人入而復柩東之位也

右請葬期

公賙玄纁束馬兩

鄭康成曰公國君也賙所以助主人送葬也兩馬士制也故君善曰國君以馬幣禮於其臣者惟此耳

擯者出請入告主人釋杖迎于廟門外不哭先入門右
北面及衆主人袒

釋杖出迎及袒皆尊君
命也衆主人袒仍西面

馬入設

鄭康成曰設
於庭在重南

賓奉幣由馬西當前輅北面致命主人哭拜稽顙成踊
賓奠幣于棧左服出

賓謂使者亦士也幣玄纁也由馬西者馬在重南賓
入門正對馬乃折而西行至柅車之西當前輅而北

面致命也主人哭拜者疑賓致命時主人稍進於東方中庭而聽命亦即於是而拜之也棧柩車也服車箱也賓既致命由尸之南至東而奠於車之左服象授生人物必授其右欲其便於受也賈公彥曰此車南向以東為左尸在車上以東為右故授左服客授尸之右也

牽由主人之北舉幣以東士受馬以出

是時主人蓋在東方中庭牽由其北舉幣而藏之士謂胥徒之士

主人送于外門外拜襲入復位杖

教君善曰外門廟之外門也此亦為君命袒故既送死者則襲於外

右公賁

賓賄者將命擯者請入告出告須

賓卿大夫士之使者也出告須者主人不迎賓告以孤某須也

馬入設賓奉幣擯者先入賓從致命如初主人拜于位不踊賓奠幣如初舉幣受馬如初

如初如公賄時也位謂柩車東之位拜於位不稽顙不踊別於公賄也

擯者出請

出請恐復有事也教君善曰言出請見賓已出在外也此時賓客為禮或不一而足故於其出也主人未送而必請之與禴時異

若奠入告出以賓入將命如初士受羊如受馬

教君善曰奠謂致可以奠奠之物也此將命猶致命也主人亦拜於位如受馬如其受之以出也羊者士奠奠之上牲故此奠者用之奠不用幣

又請若賻入告主人出門左西面賓東面將命主人拜
賓坐委之宰由主人之北東面舉之反位

賻以貨財助主人葬事也主人出者以賻施於主人也此將命謂執物以將之也坐委之明主人哀戚志不在受人物也反位宰之位在主人之後也

若無器則梧受之

拊對面相逢也無器則不委於地宰與賓對面相授受也既受之宰亦反位

又請賓告事畢拜送入

拜送亦於廟之外門外但贈及奠者主人亦出送之

贈者將命擯者出請納賓如初賓奠幣如初

贈送行者之禮也柩將行而有贈所以致慰懃也納賓如初如其入告出告須也奠幣如初亦奠於棧左也服也

若就器則坐奠于陳

就成也陳所陳也凡贈無常如用已成之器為贈則坐而奠於所陳明器之處從其類也

凡將禮必請而后拜送

將行也行禮謂贈若賻之屬雖知事畢亦必請之至賔告以事畢然後主人出而拜送也教君善曰上文惟於賻之後言拜送此則明不賻若不奠者亦當如之也

兄弟賻奠可也所知則賻而不奠

兄弟有服之親也賻奠可也謂賻與奠可兼行之也所知謂死者及生者之知交也但賻而不奠降於兄弟也教君善曰賻以幣馬尊敬之意也故親疏皆得用之奠以羊若相飲食然親親之恩也故疏者不得用之以自別於兄弟

知死者贈知生者賻

贈以送行施於死者故知死者行之賻以助葬施於生者故知生者行之合上文所知則賻而不奠言則知死者得且賻且贈知生者得且賻且賻若生死兩知則三者皆得用也又合上文兄弟賻奠可也言則亦可贈若賻也然此但許其禮之得為者耳初不必其備禮也蓋有其禮無其財君子不行故於兄弟言賻奠可也則賻與奠已有不並用者矣

書賻于方若九若七若五書遣于策

書賻及遣為將讀之也賓客所致有賻有賻有贈有奠專言賻者舉首而言也書賻於方則并其人名及物數書之其行數多不過於九少亦不下於五也遣謂苞以下主人送葬之物也遣物數多而策廣於方故書遣於策不言行數者以其物數多當在十行以外也賈公彥曰聘禮記云百名以上書於策不及

百名書於方以賓客贈物名字少故書於方遣送死者明器之等名字多故書於策教君善曰書賜於方書遣於策亦所以別內外也

乃代哭如初

鄭康成曰初謂既小斂時

右賓賁奠賻贈

附記一章

凡贈幣無常

宵為燎于門內之右

教君善曰於門右者宜遠尸柩也必遠之者亦謂鬼神或者尚幽闇耳

右設燎

附記一章

士喪有與天子同者三其終夜燎

及乘人專道而行

終夜燎謂遷柩之後須光明達旦也乘人以人引車不用

馬也專道柩行於路人皆避之也

厥明陳鼎五于門外如初

鄭康成曰鼎五羊豕魚腊鮮獸各一鼎也士禮特牲三鼎盛奠奠加一等用少牢如初如大斂奠時教君善曰少牢五鼎大夫之禮士奠乃用之者喪大事也而奠為尤重故於此奠特許而攝用之明非常禮也

其實羊左胖髀不升腸五胃五離肺豕亦如之豚解無腸胃魚腊鮮獸皆如初

特牲少牢皆升右胖此升左胖反吉祭也髀賤故不升少牢腸三胃三今加至五為盛此奠亦以別於吉

也離肺肺之離而不絕者少儀牛羊之肺離而不提
心提猶絕也謂離之而不絕中央少許使易絕以祭
也豕亦如之如羊左胖解不升離肺也豚解解之如
解豚也無腸胃者君子不食園腴也皆如初者如大
斂奠之魚九腊左胖解不升也士腊用兔鮮獸獸新
殺者亦如腊此牲用少牢乃無膚而加鮮獸者以豕
用豚解之法故亦放豚之
不用膚而以鮮獸代之也

東方之饌四豆脾析蜺醢葵菹羸醢四簋棗糗栗脯醴
酒

敖君善曰東方之饌亦設於東堂下南順齊於站
饌於其上也醴酒亦北上而簋在醴北豆在簋北其
豆亦南上籩亦北上而皆
靖之蜺醢人職作蠶

陳器

賈公彥曰朝祖之日已陳明器此復陳之者由朝祖至夜斂藏之至此厥明更陳之也

滅燎執燭俠路北面

教君善曰燭在輅東者照徹祖奠與設遣奠在輅西者照改設祖奠也

賓入者拜之

入則在位拜之而不出迎也

徹者入丈夫踊設于西北婦人踊徹者東鼎入

此將設遣奠先徹祖奠也徹者入門由東方而至前路丈夫踊既徹則由柩北而改設於柩之西北婦人

踊徹者東亦由樞北而適東堂下之饌以待事至也
也門入謂舉入而陳於重之東北亦西面北上也

乃奠豆南上綳籩羸醢南北上綳俎二以成南上不綳

特鮮獸醴酒在籩西北上

豆南上綳謂先設脾析於西南次北蜚醢次東葵菹
次南羸醢也籩羸醢南北上綳謂於羸醢之南先設
棗次南糗次東栗次北脯也成猶併也俎二以併南
上不綳者謂於脯之北設羊次北豕魚設於羊東腊
設於魚北是二俎相併皆南上而不綳也鮮獸在腊
之北以無偶故云特也醴酒在籩西北上者醴在脾
析之南次南則酒也鄭康成曰籩羸醢南辟醴酒也
教君善曰醴酒在籩西北上醴在棗西酒在糗西也
凡饌異位則所上
相變明不相統也

奠者出主人要節而踊

敖君善曰奠者亦從柩北而西乃出也節亦謂作階前向西西階下向南及過重南時也

甸人抗重出自道道左倚之

抗舉也出自道出從門中而至道也道左道之南也鄭康成曰出從門中央不由闕東西變於恒也

薦馬馬出自道車各從其馬駕于門外西面而俟南上

敖君善曰西面而俟西面於門外之東方俟器出而從之也南上將行以近外者為先也

徹者入踊如初徹巾苞牲取下體不以魚腊

鄭康成曰苞者象既饗而歸賓俎者也取下體者前脰折取臂臠後脰折取骼也不以魚腊非正牲也

賈公彥曰凡遣奠天子太牢包九个諸侯亦太牢包七个大夫亦太牢包五个士少牢包三个

行器茵苞器序從車從徹者出踊如初

行器謂舉明器以出行也茵苞器序從如其陳之先後也車從謂車次明器而行也遣奠徹之而不改設者以既苞牲至壙故也

右遣奠

凡糗不煎

鄭康成曰以膏煎之則褻非敬也賈公彥曰惟奠奠

有糗而云凡者通記大夫以上

主人之史請讀誦執奠從柩東當前東西面不命毋哭哭者相止也唯主人主婦哭燭在右南面讀書釋奠則

坐卒命哭滅燭書與算執之以逆出

教君善曰贈即書於方者也贈禮賓為之故主人之史讀之史北面請既而與執算者西面在主人之前右史右也執燭者在右南面照書便也然則執算者在史之左矣釋算則坐謂每釋算則坐既則興也必釋算者物有多寡宜知其數也卒讀畢也言逆出亦見執算者在史南也

公史自西方東面命毋哭主人主婦皆不哭讀遣卒命哭滅燭出

教君善曰遣即書於策者也此主人之物故公史為讀之柩將行而讀贈與遣者若欲神一一知之然向者贈時雖致命於柩今亦宜與遣物皆讀之故不嫌於再告此讀遣執算執燭之位與上同惟東西左右

則異耳此二燭即向之俠路者
少進而轉南面耳出亦逆出

右讀賄讀遣

商祝執功布以御柩

鄭康成曰居柩車之前若道有低仰傾虧則
以布為抑揚左右之節使行者執披者知之

執披

鄭康成曰士執披一人教若善曰此見執披之
節也不言引者披後於引言執披則引可知矣

主人袒乃行踊無算

鄭康成曰袒為行變
也乃行謂柩車行也

出宮踊襲

教君善曰出宮而踊哀親之遂離其室也行路不宜袒故於此而襲

右發引

至於邦門公使宰夫贈玄纁束

邦門城門也宰夫天官之屬贈使宰夫重其禮也賈公彥曰按檀弓云葬於北方北首三代之達禮也則此邦門者國城北門也

主人去杖不哭由左聽命賓由右致命主人哭拜稽顙

左右樞車之左右也由之以至樞車之前賓由右者以升賓幣當在右取其便也賓由右故主人由左不

成踊變於家也。按是時柩北首，賓在右，致命當南面。主人在左，聽命亦當南面。而差後於賓，賓既致命，主人即於是而拜之。賓既實幣降，遂由柩車之右而去。主人亦由柩車之左而南面拜送之。既拜送，乃復柩車後北之。位也。

賓升實幣于蓋降主人拜送復位杖乃行

賓升謂進而至柩車之旁，以其幣實於棺蓋之上。若親授之，也不奠於左。服別於在廟之禮也。賓既升而復降，以見事畢也。乃行，亦謂柩車行也。

右公使人贈

附記一章

唯君命止柩於垣，其餘則否。

垣，道也。敕，君善曰。言此者，明餘人不當行禮於垣也。

至于壙陳器于道東西北上

教君善曰西北上以西行北端為上亦
續之茵以上當其北如在廟中之陳然

茵先入

鄭康成曰
當藉柩也

屬引

於是除飾脫載更以引屬之於棺束為將寢也
賈公彥曰齊人謂棺束為緘右三衽三束大夫士二衽
二束束有前後於束末皆為緘耳

主人袒衆主人西面北上婦人東面皆不哭

賈公彥曰袒為下棺變
也不哭者下棺宜靜也

乃窆主人哭踊無算襲贈用制幣玄纁束拜稽顙踊如

初

窆下棺也贈謂主人以幣贈死者於壙也凡行而不
反者必有贈示不以去而愁也尸柩入壙則不復反
矣故主人於親亦有贈禮焉按遣奠既遣而苞其
牲曾子謂猶大饗既享卷三牲之俎歸於賓館也此
既窆而贈以制幣蓋猶聘禮既舍於郊公使卿贈如
覲幣也皆曾子所謂父母而賓客之所以為哀者也
朋友贈於家君贈於邦門主人贈於
壙蓋交致其情而其序不可紊如此

卒袒拜賓主婦亦拜賓即位拾踊三襲

卒贈卒也於此拜賓持為之袒者重其禮也主婦亦拜賓謂拜女賓也即位者墓之位男東而女西男賓在衆主人之南女賓在衆婦之南也拾更也謂更為踊也襲者主人也

賓出則拜送

教君善曰拜送云則明賓有未出者也鄭康成曰凡弔賓有五去皆拜之此舉中馬賈公彥曰按雜記云相趨也出宮而退相揖也哀次而退相問也既窆而退相見也反哭而退朋友虞祔而退是弔賓有五也此既葬而退乃相問之賓舉中以見上下也

藏器于旁加見藏苞筭于旁加折卻之加抗席覆之加

抗木實土三

教君善曰器用器至燕器也旁謂棺之左旁也見棺飾也如見者以見加於棺及藏器之上也以其見於棺器之外故名見苞筭先陳乃藏於用器以下之後者亦先陳而後用也旁謂見外椁內之右旁也藏苞筭甕甗於右亦猶奠於尸柩之右之意也折云加者謂在見與苞筭之上也賈公彥曰卻之謂折陳時美面向上今美面向下也

主人拜鄉人即位踊襲如初

主人下疑脫袒字教君善謂下云襲亦袒拜鄉人不

言者文脫耳

鄉人在道助執紼在壙助下棺及實土故主人拜以謝其勤勞也云即位踊襲則拜時亦袒也如初亦拾踊三也賈公彥曰按雜記云鄉人五十者從反哭四十者待盈坎於時鄉人並在故主人拜謝之

右下壙

附記一章

車至道左北面立東上

鄭康成曰道左墓道

東也先至者在東

柩至於壙斂服載之

鄭康成曰柩車至壙祝脫載乃

斂乘車道車藁車之服載之不空之以既窆而

歸不驅

乃反哭入升自西階東面衆主人堂下東面北上

教君善曰反哭者於祖廟以柩從此而出也升自西階未變其向者升堂之路也升堂而不見故但止於西階之上焉此亦變於尸柩在堂之位也衆主人在西階下東面北上統於主人也

婦人入丈夫踊升自阼階主婦入于室踊出即位及丈

夫拾踊三

反哭之禮丈夫先入婦人後入故婦人入丈夫在位者皆踊婦人不升西階者以主人升自西階而避之也主人在西階上於親所行禮之處哭也主婦入於室於親所饋食之處哭也惟主婦入於室則衆婦人先即位於阼矣出即位出而即阼階上西面之位也入室又不見故出而與主人更為踊也

賓弔者升自西階曰如之何主人拜稽顙賓降出主人送于門外拜稽顙

鄭康成曰賓弔者衆賓之長也反而亡馬失之矣於是為甚故弔之弔者北而主人拜於位救君善曰弔而拜稽顙者以此弔異於常也送賓而稽顙者以其送葬且從反哭尤為勤勞故重謝之也

遂適殯宮皆如啓位拾踊三

教君善曰如啓位婦人即位於作階上西面南上丈夫即位於堂下直東序西面也

兄弟出主人拜送

教君善曰賓出自廟兄弟出殯宮親疎之殺也

衆主人出門哭止闔門主人揖衆主人乃就次

右反哭

附記一章

無柩者不帷

鄭康成曰棺柩已去鬼神在室堂無事焉

故不帷

猶朝夕哭不奠

猶朝夕哭謂既葬之後猶於殯宮朝夕哭也不奠謂葬之日即以虞祭易奠也

三虞

鄭康成曰虞喪祭名虞安也骨肉歸於土精氣無所不之孝子為其徬徨三祭以安之

卒哭

卒哭三虞後祭名是祭之後乃卒殯宮朝夕哭但於喪次朝一哭夕一哭而已

明日以其班祔

明日卒哭祭之明日也班昭穆之次也祔亦祭名祔謂祔於祖廟孫與祖昭穆同祔必以其昭穆故曰以其班祔既葬則祔之者尸柩已去神宜在廟也

右虞卒哭祔

詳見士虞禮附記三章

重既虞而埋之立

喪主於虞吉主於練

桑主不文吉主皆刻而

諡之

桑主以桑木為主即練所立之主也諡之謂大夫以上

士則字之而已汪荅文曰大夫士之廟祀也鄭玄許慎以為無主徐邈清河王懌以為有主

或問宜何從予告之曰廟所以棲主也大夫三廟士一廟使其無主則祭於寢足矣廟何為者

祔之言附也以之升附也士虞禮以其班附喪服小記祔必以昭穆使其無主又何所憑以班

昭穆乎許氏知其說之不可通也曲為之解曰大夫束帛依神士結茅為菴此不根之詞以應

創之者也或問禮經無有主之又奈何予又曰經不明言有主亦不言無主也檀弓重主道也

商主綴重馬周主重徹馬並非指天子諸侯為說也則大夫士宜有主者一孔子云祭祀之有尸也宗廟之有主也示民有事也亦非專指天子諸侯也則大夫士宜有主者二徐邈所引左氏春秋其義甚長而許氏顧駁孔悝反拓之舉以為出於時君所賜吾不知其何據也陳祥道云重主道大夫士有重尸神象大夫士有尸孔悝大夫也去國載柩孰謂大夫士無主乎斯可以闕鄭許之妄矣然則廟主之制宜何如按重鑿木為形如孔士三尺卿大夫五尺諸侯七尺謂未葬未有主故以重當之是則主制雖無考其修短宜與重彷彿可知也又有謂天子主長尺二寸諸侯一尺大夫士而下當以次殺云萬充宗曰喪禮不言作主而虞禮及特牲少牢二禮皆有尸無主先儒因謂主惟天子諸侯有之大夫士不得有主按檀弓云重主道也周主重

徹焉夫主所以依神重有主道者以始死未作主而依神於重有主之道也重既天子諸侯大夫士皆有之則主亦天子諸侯大夫士皆有之矣蓋人始死有尸既殯有柩而死者游魂為變不可使之無歸故復刊木以依神就尸柩有重見之義故名之曰重既葬則尸柩不見重之為重於義無歸故既虞則埋重作主所以名為主者以死者之神主於此生者奉以烝嘗亦主於此也左傳云祔而作主公羊云虞主用桑蓋作主本為祔廟而其作則在虞時故二傳異文而同實在二傳雖指若禮言然大夫士之作主亦即此可見然則特牲少牢何以不言主主在即祖考之神在祭時則立尸象以行獻酬而無事於主故文不之及乃謂大夫士無主豈知禮義者哉徐原一曰主以依神廟以藏主有廟則有主豈有大夫士許其立廟而不許其立主者乎

若因儀禮大夫士之祭言尸不言主遂謂不得立主則儀禮初未嘗有王侯之祭禮也何從見其言主而斷大夫士之無主乎至束帛依神結茅為蔽之說實誕不經乃因許鄭之言自晉以後士大夫多不立主或為祠版或為神帛曰吾不敢僭上也致使廟中無主而鬼神無所憑依則皆許鄭二子之過也

禮經本義卷十三